

安巽四種卷第二十

管情三義卷第四

涇縣包世臣慎伯著

詩一

乙巳禠詩

寒蟬鳴自稠，棲禽啼不喧。晨出望墟落，抵暮無炊烟。長夏既不雨，秋末已嚴寒。質賣亦略盡，流亡日以繁。災情既不達，誰貫下忙錢。哀哉鞭撻餘，舍命自投淵。萬里誠金湯，哀鴻抑可歎。曰余雖孺子，念茲憂如煎。

聖君懷如傷，視聽寄屏藩。良臣致忠愛，唯在仁化宣。誰其念災黎，馳傳速一言。及聞賑緩

詔肉骨頌荒村。

綵鳳飛鳴來五色。斑雲霄赤野。落哀鴻。喁喁歎渥膏。赫斯親民侯。料人乘錦輅。曰吁聽無譁。宦況茲蕭條。蠅頭良亦微。勿謂肆漁牟。居貴豈無心。升階有遞高。爪牙胡假威。血枯腹其骸。入封塊作銀。量小飧無朝。歎息若貴人。毋念聖衷勞。願緩及微稔。肥囊不若磬。

丙午春入江寧城。見文武各署。演土地會劇感賦。

先王相吾民。祀神致冥祐。故歲不順成。遂塞社蜡酌神律。比課吏失職。當自疚。餓鬼哭徧地。焉能樂笙奏。去秋地盡赤。冬雪尙存岫。二麥浪翻處。白骨無老幼。子遺十四五。

足面皮皺活於

賑給者近復疫癘邁算到青黃交尙須百日後民災吏束手神亦無術救二月之二日演戲爲神壽信矣杜陵言朱門酒肉臭

三世父假太岡寺居家嚴課讀口占示十七弟子和

赤地秋大禡春熟隔青黃遠舉雙飛鴻云何謀稻梁黃鳥有集棚白駒無食場君子幾在陳挈我適諸兄拮据備薪水講席借太岡我年十有二而亦十齡強並作千里遊隨侍嚴君旁我母家哺妹饗飧饜糲糠而慈况永謝父鬢欺秋霜趙至聞叱牛捧書涕淋浪我而荒於嬉豈不媿中腸

我苗實黃茂而亦非莠稂而我衣食晏世父手足僵語而
初亭午冉冉已夕陽何以慰劬勞努力希顯揚

丁未雜詩

建康評事街春燈戲灼爍三江賢制軍知與民同樂首縣
勤報効飛籤梨園索聚其年少艾擇其貌締約分班裝古
事嬉笑兼戰搏自從興燈來視茲總洛度人聲觀者夾巷

達男女皆踴躍送至制軍轅轅前鼓吹作綵張春花空中
庭垂珠箔忽聽急駟來燈戲盡驅卻滿漢民百萬閔然齊
一愕雜以傳呼聲終夜懾心魄明晨詢標兵答言閩南蹏
縮舌復不言雙眸淚雨落

天南湧赤浪，山立翻鴻溟。飛濤撼江淮，萬里鏗雷霆。青雲
方干呂海隅，歌德聲干羽舞。百年樞運三階平，天吳爾何
物。出沒驕長鯨，稽戮哀窮魚。肝腦塗沙腥，安得任公釣三
權。觀深情，飄然浮嶠去。綸卷澄滄瀛。

月夜江行家君命和

流鏡落澄練，開帆入浩素。隔浦風悲筮，扣舷衣滋露。疏烟
織平林，明沙數棲鷺。空翠沒層瀾，遙蒼蕩寒霧。聞詩卽孔
庭，辨樹鄙謝句。奇懷撰良辰，慚誦東征賦。

隱仙觀聽王樸山煉師彈琴

遙認隱仙觀，獨訪王先生。入門覺警耳，滿耳皆秋聲。高堂

捲湘水淒淒有猿鳴
頓令炎夏日坐客心懷冰
吾師真隱仙此藝信無前
他時跨鶴去應在洛西傳

留別仙人磯禪閣

古寺臨江立輕舟一葉橫
詩魂依酒白禪夢繞棋枰
雲濕朝簾重江流夜檻明
不堪揮手去煙際望飛螢

題第一塔最上處

九級壓晴煙盤梯百棧連
誰攜謝眺句搔首問蒼天
俯見白門柳酒樓無謫仙
廣陵暮濤起飛翠畫寮前

秋日散步鷄鳴寺北極閣鼓樓鐘樓至小倉山房小憩題

鷄籠足遊人。六學蹟誰問。訪桂到小山。承蓋惜非任。

艤舟謁翠螺。風利不果。

欲謁謫仙去。停橈不自由。興迂波浪闊。夢鎖水煙愁。星落江寒重。螺旋石翠流。應嗔汗壁語。未許得重遊。

朝發二首

朝發桑坑舖。暮至窠嶺頭。嶺頭一登望。見我故山秋。故山別四載。晚烟殊疏稠。問吾偕行人。吾茲其夢不。抵門叩屈膝。騰驚聲問歸客。門開見大父。鬚鬢更前白。二妹趨牽兄道。妹苦相憶。妣兄訝兒瘦。抱兒淚珠滴。二妹亦無眠。寒燈對

終夕

羣鷄立或坐環我語言喧執手再回顧嘉亨今何存阿嬌
淚泣然欲言聲復吞連年遭荒歉糟糠不飽餐以此苦飢
寒釀爲癯下患歸魄西藍墮草宿霜葦繁炎夏月色黃或
見新鬼魂小兒隱拭涕褰衣倚牆根近來時入夢索食仍
呻吟我諸兒六人餬口各散分諸弟亦六人嘉亨相頗敦
齟齬飢已卒生也初何恩侍遊閱四年艱辛豈備論不謂
四年間同氣有凋殘死者旣已矣生者詎自完載諷北門
詩憂心終殷殷

遊鍾山二首

昔聞沈光祿願從息心遊今來北阜峻桂枝揚芬秋霧捲

江樹薄。一覽青徐收。地脈結南戒。流英鍾七州。豈無草堂
秀。雲窟緘名道。赤巖綠蘿古。鳥跡飛真留。風泉瀉松澗。萬
壑龍鳴脩。耳塵滌仙樂。勝洗清潁流。何當遇青鬢。紫金經
可求。跪讀三千日。一雪山靈羞。石扇不我闢。空望鈿霞樓。
眇彼樓中人。萬里霜煙愁。

懸崖若飛觀。雲石斑蒼青。苔暈遊鹿跡。松濤鳴鶴聲。香霧
薄亭午。隱隱見柴荆。長鬚一老者。侍童二娉婷。了知是金
仙。再拜求丹經。借我一卷書。謂我骨甯馨。以正則治國。知
奇乃用兵。展之皆赤文。駁蔡不可明。跪請授真訣。輕靈觸
騰生。雲生忽天半。仙樂飄縱橫。

子夜春歌

子規啼起繡窗閒，見說紅旗繞玉關。
寄語香風緩催信，好留春色待郎還。

代團扇篇

薰風入羅幃，習習吹我魂。
良人惠攜手，巧笑如春雲。
春雲在何許，含情理新紉。
繡作乘鸞女，引領晨風翰。
願偕區區心，千里承古懽。
匪美織文巧，唯悲行路難。
何日八君懷，得毋過時歎。
幸塵君笥中，敢怨秋風寒。
齊紅甲天下，微物寧足觀。
徒念惠綏德，終夜思漫漫。

登天下第一塔

浮屠一千尺，中極斷靈鼇。麗界金繩立，登盤玉磴勞。九成窮道力，一氣捲神臯。浴景遲文柄，驚風早法旄。洪流天闕翠，簷轉海門濤。鱗起秋蒼遠，髻垂越霧高。毒龍潛德水，仙梵奏雲璈。應照迷方誤，降心見白毫。

白門倚棹待月

長嘯白門樓，北山高素秋。蘆花風一夜，空繫木蘭舟。垂柳亦如昔，青蓮逝不留。倒瓶佳句歇，霜月始應愁。

雜詩

轉蓬捲秋高，客心鬱不寫。躑躅青溪上，徙倚長松下。浮雲滋暮色，棲煙寒四野。衰枝歸鳥疾，薄浦去帆寡。搖搖倦遊

人誰與遣此者

月霽知野深，岫高望未迤。遙泉度風聲，疎林棲煙色。沈寂
總中宵，殊響感疇昔。妙物信爲賞，懷人良已戚。

古朗月行

辛亥五月十四夜見月望作

震符借夕照，桑榆懸玉鉤。飛鏡來雲端，皎皎明瑤樓。五月
陽尚壯，清瑟忽如秋。但見圓影垂萬方，無不周。垣次何微
茫，庶星搖漢流。詎須騰精化，故知陰力稠。啞啞南飛鳥，能
忘爰止愁。精誠誰與鑒，徒勞杞客憂。憂勞竟如何，惻惻成
此歌。

擬塞下曲

飲馬河西岸，懸營塞北陁。五行聽律響，三法望塵形。夜月迎翰電，晨霜凍絳星。樓蘭如可斬，熱血報彤庭。

紫塞颯沙暗，旄頭赤焰明。九天飛虎竹，五將按龍兵。百戰甘酬國，三傷敢丐生。如何留一矢，竟爲下聊城。

冒頓騎如虎，嫖姚怒若霆。銜枚乘霧月，轉戰度沙溟。風卷千營黑，河流萬骨腥。從他閨閣夢，夜夜到龍庭。

耀武矜雄略，囊弓尙廟謨。由來深畏服，不在嗜殘屠。弦勁鳴霜月，兵奇散雪烏。何當遵上伐，長此弛天弧。

雜詩薄暮

春風薄暮起，習習開羅衣。明月雲間來，皎皎窺空帷。感此

不成寐。徘徊階露滋。坐惜天桃花。努力修榮姿。佳人在遠道。薄采將何時。願因北飛鴻。寄君遲暮思。

翟儀仲丈

鵬

墓下作

忽忽過荒墓。長懷翟秀才。神期昨談笑。文采竟蒿萊。寒谷泉空咽。衰楊葉自摧。誰憐霜草宿。蕭颯北風來。

租圃

小子方成童。嚴君苦多疾。返哺慚飛鳥。空抱趙至泣。蔬圃力可勝。鄰地幸有隙。方開三十隊。租之二斛麥。依牆植山藥。瓜藤緣之密。蘿芥期禦冬。護莧永夏日。采采上村市。朝夕無壅積。差足供米柴。餘以買藥物。書史幾荒蕪。溫故趁

暇夕懼孤遺經訓非羨朝儕客。

機灌

子圃托地高不易得水力。山泉伏入村溝池。何湜湜圃左
兩石版。省知舊溝蹟。地勢比子圃。低以七八尺。揭石鑿小
池。下流斯可積。取竹納池中。屈曲與水射。激水出竹梢。入
隊如潮汐。機心豈能無。俯仰總開益。推此利吾民。庶幾霸
者澤。

櫓上望水西

翠玉殿屏風。秀色連城遠。白雲如相待。向我遙舒卷。緬惟
坐茅人。神期一在眼。言願走輕筇。積慮於此遣。

吾慕

吾慕魯連生被褐抱清真。蹈光終不發，翛然自無塵。片言
拚田巴，隻箭價燕軍。先名旣排患，行己亦潔身。恥學鴟夷
翁，胼胝謀家珍。翩然拂衣去，東海一孤雲。

雜詩

待月出東軒，遲容步南陔。陰風斂纖雲，空氣升薄埃。芳麻
展中期，雲臺玉鏡開。河漢勿如洗，佳人殊不來。虛聲謂聲
咳，隱色想光儀。其雨念徒結，引領情欲摧。俯仰且自割，無
爲空徘徊。冰輪不可掇，皎皎光堦苔。苔俯察白露滋，仰觀明
星迴。芳醕良可酌，誰與伐金巒。

改詩

余性頗近詩，亦有學古力。每於靜夜中，諷詠徧千百。平流若無奇，深思求有得。廬山參未真，屏氣似不息。如此三四年，古人意可識。譬彼山陰書，芒角無偏側。涉世况崎嶇，一練心魄。詩趣觸世態，崛崕羅胸臆。落筆翻奇艱，猶獫狝。疇昔迺笑昔，猖獗真同蔭。不擇亦或有，志與蕪穉多傷格。苦煉刊陳言，真氣浮奕奕。雕琢當未安，不覺廢眠食。始信古作者，此境先我歷。

刪就詩稿，屬十九弟季懷錄之。

次韻三千日，稿累六百首。意若有深得，不自覺其否事斯。

既肆力心始別去取語或涉靡浮意或傷溫厚篇或麗酬
應斯態皆絕醜未忍棄前魚焉敢享做帚斯如吾治圃培
蔬去僵偶一區二本瘦者爲僵亦如穰苴兵斬莊試辣手
吾弟今日歸嘉平正二十九編題屬弟寫畢事十日後寫成
我當祭與弟餞腊酒

別圃

種菜且一年諸菜頗熟習各種標新名一一皆相識父老
憐我疲爲我設講席明日來圃中便是路行客予性最骯
髒與柔情相得新雨土未堅足留故人迹長揖別吾圃君
菜慘顏色汝何患無主暫別漫戚戚

來日大難

來日大難今當喜歡今日大難憂來無端昔遊東溟言謁
赤松食我松子顏色常童孤鴻磬磬戢翼未翔挾矢共之
失路可傷曰余爰止豈必嘉木念彼迷陽履之傷足飄飄
黃葉隨風辭樹有如客心乘曼無處積雪在山內手如冰
長劍宵鳴丹衷矜矜

鷄鳴篇紀同邑王氏事

露井上何有上有李與桃蟲來齧桃根李樹爲蕭條異本
乃如此同株反不如南枝日益榮北枝日益枯請陳阿佛
歌阿仲窮無歸自分近溝壑不敢遂爲非引繩泣入內泣

涕共妻語我死汝卽嫁鞠子或延緒妻知當訣絕牽兒語
嗚咽今日你爺死我你收其骨勿謂我你生遲你爺幾口
兒乃大號吽走過告阿伯阿伯一何如高名輝庠籍華堂
開綺筵肅肅集豪客宰羊烹鮮豕金觴流玉液寒具聞溫
梁六博呼五白豈知兒號吽迺逢阿伯怒急遽來丐生非
敢敗門戶阿仲命旣絕藁屍出大路路旁有人來褰馬何
楚楚借問來者誰乃是兒伯父頭上何所有紅纓爛生光
足下何所見絲履五文章奚童鮮且整裾帶白飄揚借問
何莊嚴赴講明倫堂我欲竟此曲此曲斷人腸多謝友
人千載莫相忘

孤兒行述翟氏乞者

孤兒沿街泣，跣足履霜行。乞食面瘦如鬼肢，無股勞君道。
旁爲酸楚，孤兒生，孤兒生命未爲劇苦。兒年似昔上第時，
爺提娘抱，不知凍飢。爺娘今棄我，阿弟早遭此禍，無柴無
米，詎養我弟。嚴冬雪漫漫，阿弟襖薄不耐寒。并我破裋，勿
謂我被霜風膚裂不完。晨出望烟火，君子周給我，乞不得
中心愴悲，欲之他未知。否可願得吾弟腹果，願得吾弟溫
飽長大。孤兒下去地下黃泉，見爺娘我無過。

過舊賞桃園作

萋萋芳草趁遊人，絳口無言獨愴神。一夜東風開未得，仙

魂銷處泣殘春。

山遊

山僻知春好，翠微樵徑深。和風交麥氣，老壑養雲心。鹿跡留苔淺，松濤出谷沈。此中聞犬吠，接響任幽尋。

仄徑偏環麓，陰陰竹幾莖。深雲通鳥語，高日聽雞聲。花過山逾靜，心閒夢覺清。倚林問牧豎，借我一牛行。

樂遊不可極，於此淨名心。隨水未宜遠，入雲始覺深。煙鬟自真色，風竹和長吟。堪笑東山客，功成待棄簪。

月下

今夜一輪滿，清輝萬里心。應憐懷遠苦，共此寄愁深。煙溼

鬟香怯階寒屨量沈徘徊人不見花露瀉重陰。

禮院贈友人

行吟感招隱遠步到幽山鶴羽留松杪龍聲出竹間雲來
琴牖溼鐘靜梵僧閒嗟我猶饑役無能樂閉關

宋丈奕巖兵備贈裘褶袂禪緇衣各一襲帳被褥席各一
具機紬六端縣葛布各二端賦謝

志道恥惡衣聖人不與議賤子矧食貧家世遠羅綺使君
知人寒念茲踵決履爲備裘葛衣紈布及帷被匪言與人
驕慮長布衣侈欲求性所安恐掩使君美尊者賜不辭御
之或非禮再拜受重貺何以畀君子願公布陽春大裘覆

下里。

敬和太宰節使朱公賜詩原韻用攄鄙懷

賤子生草萊，少小恥不群。業故托佔畢，志不圖詞章。揆文
求保赤，奮武究驅羊。靖彼萑苻豪，起此溝壑厓。明公奇誅
魃，手書召洛陽。倚馬賦山海，擲地異琳琅。實憤豫楚郊，櫟
槍射妖芒。接壤暫小安，微公孰振綱。若不備不虞，伏莽且
無方。潰癰必流注，殲渠豈探囊。位高況遠民，德意難自將。
擇樹集良吏，千椽拱一梁。化雨徧崇朝，取斧惟伐揚。願再
圖幽風，待公陳瑤閭。

附太宰原詩

包生麟之角。乙貢天篤祥。清抱冰雪骨。焰發雲火章。覽
子禱雨篇。濡墨舞商羊。遂令蝻螭號。不用誅巫尪。觀察
攜以來。奇才誇洛陽。試以山海詞。跋浪擺雪琅。胸羅表
餌策。武庫森星芒。聚米辨勢隘。周陸控維綱。終軍對奇
木。鄴侯賦圓方。貫串腹經笥。密括智囊百。鍊大冶金
且勿躍干將。豫章拔地深。夏屋資棟梁。遲爾培風厚。不
獨火色揚。養成九苞翮。一鳴翀天閭。

奉同侍御學使戴丈可亭侍讀沈雲梧編修汪靜厓遊采

石山

驄馬解霜威。金閨凝珠液。懷遲嘯深雲。挂席發白壁。河隄

陽舍花麥隴雉整翻在宥萬物昭得遣寸心適翠捲接天
古松森寒碧飛鷺若輕梅散落江城笛凌波淵娥笑蹴
陽侯踏想見控鯨人散髮雙顏澤十步九太行侗儻志
不易卷身挾浮雲龍泉竟何益賤子本鷺鳩棲枝借喬柏
旅百既醉酒函丈亦飽德鑒行訾燃犀忤言笑擊楫末座
珍今懽中飲知古惑。

太白樓觀蕭尺木畫壁應侍御學使教

絕巘開雲蹠蒼茫辨越秦捫蘿逢翠髮應是遺書人

秦岱

匹練飛雲疊銀河落玉京
滄霞人不見誰爲紫烟生

匡廬

高掌擎丹谷玄精運石臺
茅龍漫相促遲爾玉蓮開

華岳

底事猿聲激。蛾眉片月高。綠煙搖蕩處。萬里照宮袍。

峨眉

奉同太宰節使朱先生和郭景純游仙九首次其韻

并序

神仙祖老子。而其言曰。死而不亡者壽。則不死之說。蓋虛。或又謂積功成神。伏氣得仙。夫巖廊而慕山林。湖海而懷魏闕。是俱有不得已於中也。太宰德厚政成。游志清虛。列仙之趣深矣。鍾氏所貶。蓋無有焉。奉命同作。輒述鄙意。

反經足與民好辨。徒栖栖智哉。漆園叟。搗來潛蒿萊。中犧
憚白茅。化蝶怡丹萸。觀妙治駭躍。搏空雲垂梯。鼓盆餞靈
匹。緣督御姪妻。肯作歧途俵。踈踏求亡羝。皜皜善吾生。素

卷二十一
五
絲斯可齊。

東訪滄海君，坐有年少士。進退艷光儀，坐人玉山裏。云何遊圯上，心未化孺子。遂與人家國，躡足復語耳。炎漢良已造，溝壑蒼生起。將母谷神勤，赤松顧面齒。始悔十三年，空爲黃石使。

紫閣秀青霄，亭午羲輪鮮。虛巖發清嘯，猶疑鶴駐山。土室鑿雲根，咏風揮素弦。俯仰遊八極，飛輪馳弱泉。玉舄寧誤秦，蒼蒼求蜃煙。出入無窮門，竭摩廣成肩。厭世疾不稱，寄語王子年。

拔宅騰太清，嬰兒脫遷謝。帝曰余汝嘉，爲卿舞韶夏。大彼

晉相國蓬心終不化，仙僚追遊娛雲隙。
翔鶴駕迴首見妖氛，苛政藝編舍手援。
無斧柯憶昔轉悲咤。

周王乘日車，追風薄四遊。
湯湯既西瀾，戴勝艤棠舟。
觴開買電笑飛瓊，三百投珠雲曜不。
昔琪樹華無秋，一聞祈招歌。
淚沐丹頰流。

昔觀焚繇上，王生曾不災。
躍出五色煙，招我遊蓬萊。
颺爾借羽翰，聳臂凌丹臺。
瓜棗奏瑛盤，玉膏流霞杯。
慎毋逐棟人，耽耽顛其頤。
言念敦三節，焉能超九垓。
俯首問初心，不敢失提孩。
多謝授真訣，慚我殊丹才。

卓午日昃影索震，月生魄人生抱沖和。
一如受采白，瞻言

周德者歲寒知松柏大夫與役人逸勞頻夕夕畔草逐風
偃弓角及春液不見郭山顛鑪鼎餘蘚石誰憐散豆姬徒
悲化龍客

括坤奠天台步溟涉方丈孔牖六濁人到茲五根朗碧童
雙雲鬢峭巒發妙響跪求紫金經仙書見存想一都理運
轂五岳圖歸掌七寶自滿堂三清可恣往王母垂雙眉顧
恩哀有象遂投極樂國聊解微塵網

駕言望東岳日觀巖如頽但見九約伯鬚鬚怵我懷爾胡
樂淫刑鬼哭聲如雷血拇竟逐人駭駭何日迴念茲再三
咽長嘯獨歸來終留一隻履虛步躡雲堆鳥飛任武歎

呼從阮哀。

將赴布政司試書懷留別太宰疊游仙九首韻

蕭葛南陽臥安石東山棲霧深埋文豹亦云終草萊橫流
在一振籌策敷春蕘汗青垂未照望如天不梯范生泣賢
母王子拒哲妻與孚濡首狐竄貞羸角羝尙志友古人嚮
往心思齊

先子誨其孤有恥乃爲士汝父行可師學在一表裏文藝
亦已末况效紛華子方人授等身襪抱初提耳禁發術三
省任重裕一起勿持穎慧質翹與曲儒齒須慕第一流道

左指仙使

丙午太宰主試
江左得望眉宇

旅庭學詩禮，豈意民成鮮。遺書半未成，逸轡絕高山。擘曉誰與發，操縵無安弦。哀哀魂夢中，涕下如流泉。疾風不密樹，返魂無駐烟。聲頽豈不懼，心碎遑能肩。痛哉手澤存，逝矣駒隙年。

夬二夜惕號，剛柔恤代謝。玉衡麗經明，金梃妬仲夏。鯁懷斷，罟德鯁擾烹。鮮化魯女不食葵，倚柱思逸駕。日營稚起壑，術信川決舍。終祕荷筆辨，冀免牽羊咤。

樵采媿虛力，米負從仲遊。送蜚咏猛虎，陟圯肅歸舟。喪牛義翼垂，彈缺交石投。海若坐運化，百川爭灌秋。浴距滄瀆，派朝宗滄溟流。

注飲北溟，渴拔豪中山。災上宰策精思，彈指現蓬萊。半千
應名世，尺五聲蘭臺。取將下天孫，爲酌流霞杯。羽輪駕不
發，眇眇媯其頤。古帝牖庶莫遲君，遊雲垓懋和勅若保耳。
目注皆孩，始知緩餓力，不善罪非才。

凍絮融玉馬，溫黃躍虎魄。非親君子光，曷由不浴白。知止
信邱隅，懷我瞻喬柏。奕奕光復且，惺惺靈不夕。身教模人
倫，雅言傾玉液。始悔溺延絲，未知諧夔石。志持憂奪帥，氣
生慕逐客。

三日汗浹背，六旬席函丈。律調生黍溫，燭凝窮髮朗。義問
聽無聲，辭達擲有響。事師服斯文，科第豈吾想。修已贍成

人酬知措運掌篤志慚漆雕形辭神獨往雖受金仙訣未
足徵龍象自信非寶樹無爲慕鐵網

芝蘭室是遠馨香漸蕤隤從善故如登念此恐永懷露珠
警耀鶴雲峯收薄雷蒹葭白門樓水月交徘徊遶渚盼鴻
飛袞衣東國來薦鉉媿膏實調燭昭窪堆願終保素絲不
貽鉅子哀

阻風登鵲起磯

鵲起截江起走勢欲橫渡迴瀾捲日寒氣沒陰陵樹輕策
扣茗根曲逕穿雲路翹首摩殘塔躋身眺層霧鏗鏘石
鳴出沒豚魚怒老僧赤足來坐我說無住形勝在必爭穴

借長鯨固指顧瓦礫開礮馬凌虛駐俯仰感今昔興衰等
鈞注漫愁長風阻轉滋浮生懼

皖城拜別太宰發楚程

趨皖謁太宰命作南楚游南楚足江山詩境助冥搜唯爾
詩骨騫皖士莫能儔精勤功自知唯余日拭眸責實况盛
名副言無易由克己以恕人道不在遠求記余臨別言內
外多優游再拜卽書紳舍酸赴修舟

祖舫齋承宣枉顧酣飲終夜卽席占呈

孝感猝告變公獨鎮武昌制府策戮囚羽檄馳蒼黃祇知
監劫獄未暇別兇良燭下公接檄手書何皇皇分飭首郡

守黃州及漢陽立提干囚徒齊集承宣堂執訊兩晝夜脅從悉免戕後此忽流言賊黨潛渡江二萬城內伏二萬城外藏約期夜舉火合城民恐懼至期火果發弁卒乘城防公獨啟城出救火仍如常羣吏跪曳輿勿出輕冒傷公叱謹守門竟往嬰櫓槍城外民見公踴躍心遂康入城及鷄鳴演劇傳俗倡云爲封君壽縱觀民若狂密遣守江渡渡口察迎將靜機不可測樽俎折賊芒以此護黎民上邀天子慶百里半九十求士篤尊光爲政有體要公誠能攬綱况覩飲酒豪觀態徵德量願更進一尊與公譚祕章龍泉帶腰下三載韜鉞鉞果試剴斷功吾軍斯足張中飲聞

蜚鴻寥廓魏高翔

三月十九日贈別豐城傅布衣臥雲應經略辟入蜀

世紛苦不解，嘯咤竟何求。逐雀丈夫志，豈在壯封侯。魏我
二千里來從文字游，楚北糜爛餘山川爲含羞。何幸識君
子，武庫交森修。卽今西去楚，持石巴江投。詎誰跋珠履，實
同蒼生憂。贈君以一言，謹慎爲遠謀。示象未忘戰，金木刑
旄頭。水距金南尺，赤熒交芒流。庶星光搖搖，魔刦何時休。
神武作新民，迓奔誓依周。積甲齊熊耳，咄嗟漢有儔。長子
膺錫命，能擥英雄猷。敵國矧劇孟，亞夫獲同仇。受書黃石
喜，論劍白猿愁。行戮鑿齒殲，綏脅瘡痍瘳。妖星二十四

經畧

奏明川匪有能久并翼留千載笑書生畫餅涎飢喉再振
二十四股
俶儻勳揭此布衣旂肯作兒女別契闊怨衾裯會當射聊
書爭我五湖秋。

早發漢陽縣

假寐漢陽縣驚見西牕月市闌晨未闢征人問早發狂瀾
流漲漢重岡峙大別險設爭不忘神禹功焉闕草木腥迴
風颯颯吹戰血千年剩糞壤誰識英雄骨近歲况妖民鄰
域聚草竊衣帶耶官湖遂免萬家厄
丙辰夏孝感賊欲躡漢陽以湖漲不果渡
蔓延借四州
荆豫雍梁毋乃用師拙抑聞

天德生明井不明鉞哀哀索命魂銜冤竟誰說亂久恐民

危司牧惠期實數餒從而愛至理不可忽衛霍多金盤悖
入亦盡出兵燹有遺黎緩欠本纖忽何必問追徵兩稅知
力竭割雞飼化鷹杞人五內熱唯覩麥欣欣同憂顏暫活
奉和陳祭酒學使由乾鎮驛趨天門韻二首

鷺飛倦雲際輕梅落晴湖振振點微波散入楊花無何處

雞犬聲知有幽人墟疏籬昨夜雨曾否花事殊南山青松

煙抑聞驚催租君子故勞心非榮馳傳輿

原詩盛稱田間之樂故云

隄上誰家婦驅犢犁春雨急呼田中人街上傳新語

朝廷念艱難今年徵緩舉寫入使者詩風人思如許况聞

大造德跳梁赦饑鼠長子議撫給日計米合五

經畧奏人行條例人

卷二十一
三
樂妖不作非斯吾誰與有道賤且貧清夜心自撫

清江縣

山遠沒晴煙蒼蒼到郭前雨新多刷地木古尙中天流婦
野炊石窮耆路乞錢危民看失所發政竟誰先

嶽自竟陵劃干戈乍息時上街氓抱布晒日米調絲

土產粉乾

城蝕苔紋古烟留午飯遲此中有豪士奇績土人知

楊家嘴卻寄舫齋承宣

漢川兩徹宵晨發苦泥濘出郭行半日路借雙槳勁夾溪
垂楊深人語綠煙定和風送飛帆百里入天鏡村遠疑舟
浮煙島遞潛泳古木滅原蕘虛雲絕鳥徑直疑水霧天頗

慨蛟龍性怪非圖記地毋乃蒼生病腴麥十萬畝淫雨遭
泥濘豈唯隴畝失庭臥鼃鼃靖去年雖有秋穫穀俱蝗剩
今作神君館人魚地交競准災兩稅緩否則舊欠并欠課
輸固當餓莩不遑更大臣計盈絀先在郵民命愴我樂水
懷不覺涕橫迸

過潛江懷人

昨歷潛江北今閱南郊外南北皆安堵朱君奇功在朱君
何桓桓四十多幾歲稜稜數莖鬚面黑身長厲有誠是其
名必亮是其字京山武舉人寄潛籍閱世城西三十里村
名曰上駟朱君桑梓情朱君踐食義艾賊朱君勇驅人朱

君智三年之三月川東兵失利賊遂出房陵焚掠漳漢瀨
股數亦不一五萬十萬大南漳又來南五日沙洋次沙洋
抵潛城四十里而至朱君號其鄉二萬人隨臂器械亦粗
有行伍卽宿肄宵出邊賊鋒甲首累百刎生擒六執旗揭
首潛城示初賊隔河屯見君畏君驚君馬疾如鳥君刀飛
如翅賊忽上君馬賊足見君背腰下髑髏血纍纍射赤彗
所率二萬人皆伏歎不置後賊逼長湖不敢犯潛界激衆
欲長驅追殲盡賊類督師竟掣肘以不遂厥志賊乃趨襄
樊并股復振勢億戶頓灰燼至今瓦礫穢賊熾功亦多花
翎何軒輊朱君視浮雲魯連風不墜近况聞督師賞功頗

後悔出沒賊不常團練食不繼誰其如朱君大義壯士氣
聚之則貔貅散之仍樹藝能收保障功不受橫決害宿昔
仰英風揭來詳實事何當與君子畫荻譚金匱

江陵

荊州用武地西扼秦蜀胸蓋陰秀殺氣墜曠生雄風丈夫
有失足豎子無奇功我來後千載空此哭英雄疆事况多

警言悵然懷文忠

謂明太師
張居正

謁大廟

廟卽幕
府舊址

神力周天地荊州廟更尊建牙猶舊府守祀有文孫賜礮

聞垂夢

丙辰賊興荊州無守礮神示夢於馬殿掘獲礮九
位石子十萬斤奏聞錫名曰神賜大礮

揮戈見闢門

戊申江隄崩水沒入城居民皆乘屋見綠袍人擁長刀揮城門洞開十數丈水迸出民獲

全蒼生仰保障鄰域賊烽存

發松滋雨次宜都

漢陽越江陵千里郊原蕩松滋一夜雨洗出萬青嶂成邱

更巖壑接武變偃仰初訝人谷底忽覺出雲上峯蓋排雲

危江流撼谷踴峭塹行心怵蹻蹴輿人愴終朝苦泥滑亭

下復霖漲跼身兒成翁散蹄馬亡壯慘澹溼煙澄隱見陸

城張候館人皆疲指呼神不旺一雨山行艱半日物力創

况懷兵革交終夜心悵悵

張正謨攝傑人前年據邑之場山爲亂

夷道途次

宜都被兵燹，疆域亦依然。溪渡橫初漲，峰晴帶舊煙。迴岡
低夾路，繞峽曲開田。誰卹災黎命，輕軫問麥年。

三載楊山血，遺黎半落魂。谷煙誰煮石，茅屋不成村。挑麥
女歸柵，飯牛童閉門。昨宵聞嘯雨，鉦鼓爲聲吞。

有萋春草

有萋春草，偃我露階。不悅見之，亦孔戰豺。趨趨蝨斯，滑滑
維穽。眇此鳴蟬，念彼黃雀。邁迹惟終，孰違詳聽。豈不克庸，
東土肆命。冰非履霜，幹非引綆。毋離令名，乃念骨鯁。容光
必照，唯德乃馨。潛無魚潛，臯有鶴鳴。式臧式穀，式慎機樞。
寵辱若驚，毋效馴狙。君子擇樹，春陰秋實。纏牽燕足，曷由

楚秣匪數速疏匪止去辱遠媿舍從近孤耳目

奉同右參贊渡江次韻

天上來荆江怒不洩峽口一夕震驪睡千里亂鼉吼曲追

蕩山罷

平聲

旁奔翔屋部郵茲橫流神乘爾惡風久欲擊

祖楫前無恙殷帆否流駛側舫截風驚殺篷受勿謂夾蛟
無不必燃犀有維主忠信亨足涉波濤厚心戚忘遇坦神
夷失境陡靈長用先五行尙孚中九識將東山謝養豈北
宮黜覩公定力勝不負虎竹剖况聞洪波咏劉生城不守
蛇見退過數十步至鬼見愁

山椒鬼見愁山麓蛇見退蟻緣折疊梯出沒雲內外夾纒

仡石拳百丈不見臂上返和仲驂下拊豐隆背頽垣三五
堵瘦麥百十穗人古若毛公鳥尊皆望帝朽石澗細流滑
斷猿狖隊山君游蹶踏哀嘯怵徒輩雙纜挽輕輿湍洄派
峽對豈伊叱九坂臣道不可悔始悟蛇存身一退了諸礙

男

誠家丞

孫希

龐曾

希

藺廉

校字

安吳四種卷第二十一

管情三義卷第五

涇縣包世臣慎伯著

詩二

紅孩卡

連峯絕雲路，一徑開中文。地名紅孩兒，設卡禦賊黨。賊果緣山來，攻剽莫施仰。撤兵近二載，卡址未全蕩。餘孽尙谷沙，覩茲心養養。

馬難坡

仆口鑽天

地名，在馬難坡東十五里，最險。

過遂卑紅孩卡，誰識馬難坡。所

難卻在下，隧風谷如埽。印沙蹄皆赭，百重壓峻嶺。五里開

平野境累高極雲往無不復者陟巘已傷人下坡休問馬
望歸州

峭峽夾江天荒城嵌峽烟流香如嫁後名勝姊歸年黃綴
山椒麥青剗石罅田青黃皆朽氣早晚慎郵傳

午日渡屈沱謁大夫祠墓

午日屈沱渡空船咽不流美人不可思楓夾墓門秋

早發歸州綠峽行亭午止中石門眺鎮江閣

伐鼓震夾峽百夫牽扁舟肩輿道懸崖尺綫縈江流水瀾
迴黑嶼山石眠黃緜五步十跬躩一蹶千生休子規叫
冥哀猿嘯啾啾麗畝汗散雪複澗霜凝秋石門鍵岸斷江

閣鎮雲浮，辭州四十里。半日聊淹留，扳閣梯滑苔。窠穴蛟
宮愁暮氣，三巴來蒼茫。不可收明發，更西行永爲東流。羞
召堡

戰罷麻湖險，功爭召堡高。有民餘板屋，無隴不營濠。燒樹
種包穀，鳴金鋤附毛。香附子土名流亡初自植，莫忘致鋒勞。

麗畝高埋讖，居人指翠空。未宜京觀壯，遂落保障功。垣總
頽飛礮，岷多散舉烽。萬山遮月黑，幽壑轉燐紅。

天將填壕下，圍姬正賭棋。法雖信斧鑕，鯢已餌鯨鯢。富室
傾歸子，驍軍沒養兒。神梟終覆卵，盜賊爾宜知。

長楊首逆，秦加驩人。巴東建始，七大將駐兵。召堡累月，賊屯麻湖去召堡十里。俯視歷歷，及額侯至，領本部乘

高壓戰迫，剿累捷先。長湖有富戶，逆委與聯姻。後逼爲
餉主，又遣其黨，爭采參將爲子，斷其馬膺，不得走擒之。
陷其軍於諸逆，尤爲奸黠。後有歸誠者，導
天兵壞壘入，逆擁五女子手談，急出帳指揮，衆莫應。逆告
其衆令盡散，手刃五妾，
以紫紗裹鍊索就囚。

雨行入建始道

山深雲不乾，壑遠霆轉迫。俯仰重岡巒，瞻顧變昕夕。雲低
摩天柱，霆高導地脉。青蒼氣趁人，湧墜雨如墨。江上來蕭
條，山中集淒瑟。煙沐螺鬟青，流掘戰骨白。取道泝瀑布，接
武凌怪石。如通箭栝門，懼點呂梁額。歸阪本苗疆，候氣猶
殊域。帷車襲絨纒，五月寒無色。戡亂况新更，表埃梗舊轍。
數險戒王君，尋山匪謝客。自非驥驥首，豈爲候鴻翼。回首

三千倚閭嗟子役

余本

余木伐檀者坎坎清河湄勿謂寒心女竟受朝饑欺碩鼠
自食苗朶頤窺靈龜息壤歆如忘市虎一已疑白圭豈不
潔青蠅易爲緇芳桂尙不采惡木况無枝丹橘移淮北化
枳辱場師寄語遠行人石見空離離

歷戍營紀見用鮑參軍苦熱行韻

巴山峻千仞萃茲夏日威嗟爾遠戍人何日賦來歸火雲
盤沸開

峽中水旋至廣
數白丈者名開

涼飈避裂圻月入峽皆赤雨經磧

已晞章卒分并伍列幕域十圍苦樂知炊煙瘦黑思曝暉

宵憊就純茅朝饑貫寒衣肅肅蝎或躍營營蠅不飛舉足
無全蕢履沙有焦腓死則就命正生猶熾患機踐土
恩旣重防邊力亦微賞薄豈足論忠義士所希

兵書峽

下峽飛擢迅岡巒不延妙耳目變瀾濤崩奔更平聲奇峭平

壁三十里長年忽我詔是名兵書峽神師藏劑約千年誰
得者風雨隨叫嘯至今雲霧間楮墨時照耀余幼聞斯言
到茲更嗟悼妖術惑黔黎奸人煽桀鷲豈知死民信百勝
唯忠孝權家余夙嗜頗識丹書要氣機設輕重地力輔饗
奧和民能孽賢餌豐乃利釣大官及風角馳謬多譏誚詭

道古有作詎謂誤不肖子房帝者師豈伊黃石教鯨鯢空
齒劍嚮邇母原燎破壁釋民愚矯首真宰告

廣福橋

亂後思名將當年拔幟迴民新花縣治山舊竹王開望歲
移星使巡郵認劫灰一尊供法酒真自賊中來

翹首一章

翹首問月亭慨然懷太白有詩何必佳出口無忽迫充隸
三四年畜鳥二千翻出峽囊讐頭宿湖枕白額頗能題畫
鷹亦解譚中策終愧射馬風况攀送鴻色自登時相階無
復荊州揖請看手版書東海釣鰲客

哀竟陵寄舫齋承宣

時承宣已被

召仍履勘水災

朝帆發章臺暮宿關睢口百里浩波瀾煙水滅蒲柳河道
舊云窄怪問看曾婦婦聞語先啼欲笑啣復久六月初
七襄江隄失守潛沔及天門隄田億萬畝隄崩水如雷白
浪封戶牖骨肉各趨生兒媳背姑舅小孩幸周歲頃刻不
離肘家產籍神君捕魚活子母魚隨南風起饘粥尚可取
近日北風多兒啼已無糗蘆棚依薄洲寢食蛇蟲偶於今
六十日水汎力仍厚昨聞

新聖君特諭大臣某勘災告實情饑溺如身受但恐賑到
時難民骨已朽又恐安集難流亡終十九熟田偶被災荒

棄遂澤藪三載破兵火。耨鋤少着手。今年差治田。灌決伊
誰咎。視我湖北民。天如不克糾。兩月髮不櫛。覩客遑漸垢。
聽此再嘆息。斧柯竟誰有。

哀秭歸

連日望桑榆。有氣如死灰。又如赤杵衝翼摺。千里來八月
初五日。歸州聞賊至。急探得其實。去關才五里。官吏驚無
措。奪舟避江隈。居民半明昧。飛礮傾櫓臺。後仰千丈山。前
俯萬仞谿。孤嶂懸峽間。一綫路縈回。老弱齒刀戟。少壯磯
岸隕屍壅。閭不流澗血。奔鳴雷生途。十無一。萬室遽燼煤。
賊股人楚三一由興擾。歸興山駐軍。門賊亦過其治。令人

于里外存沒俱疑猜數日絕真息蹂躪更不知南漳荆襄
害聞多伏瘡痍兵勇拔營卡望風盡反馳終此賊罔悛生
道無由開始信保障功浩懷頗牧才。

聖主已拊髀蒼生猶降災卷身竟何言唯用紀其哀。

西樓古梧南枝六月中爲風折

古梧高十尋兩枝抱我屋當我別春陽及君陰未綠君招
火雲寒客集焦煙酷冀彼新秋陰滌此風塵日入門急問
君見君驚偏祝北枝歎蕙焚南枝嗟松獨匪用諧宮商詎
由聞鸞鷲唯君中直姿易爲蠖蟻辱長風六月來摧折亦
何速折梧枝尙可毋損楚民穀師旅兼凶年引領望秋熟

懷友四首

豐城布衣傳卧雲

布衣三十載，燕趙徧經過。說劍須眉舞，論交屠販多。之荆真孟浪，入蜀更如何。射天狼落匡廬老，薜蘿。

陽湖秀才毛洋溟燧傳

洋溟有傳志，冰去聲齒出飛霜。皮裏陽秋盛，山中松柏長。春暉猶涕淚，秋鬢已梧楊。寂寞千年事，名山發石藏。

歙秀才程蕉雲川佑

巴水奔三峽，狂才羨汝飛。只無春苑柳，張緒想依依。暑避眠同席，賓知出易衣。夜郎山絕險，記取夢來稀。

同邑秀才翟丈太虛金蘭

三十年狂客雲泉負此生青門瓜不熟白眼醒尤明
毘鄰
鵲拳老傾田鳩舌驚只應黃戶部
睦詩敵早行成

別武昌

遠游逾千里匪云必有方筆耒代牽牛詎致洗腆慶登高
望白雲白雲自飛揚況驅巴夔郊馬塵驚櫓槍昨夜玉輪
寒故園此清光弱媳侍慈姑念客歷星霜自古尊胎思遊
子熱中腸豈爲玳瑁夸不懷杯炙傷回首黃鶴樓鉞笛聲
不忘苟非風綠深吳楚故殊鄉君看南鄉雁六翮輕蒼茫
整翮去中澤橫絕再回翔

揚帆下赤壁越樊口

卽西山上有晉陶侃讀書處

遂達西塞

俗名道士洑

赤壁記前遊寒曛帶客舟訪遺尋曲磴謁像拜危樓劖石龍虵古盤巖虎豹愁汎濤今縱權烟樹認黃州

坡老尋梅處山溪聞夏寒更誰懷運甓結屋白雲端連歲妖氛降蒼生血未乾樊山形勝地方面慎儒冠

西塞鎮全楚橫江鎖下游當年經百戰山壓陣雲愁洲渚况多盜宵煙警柁樓水師須日戒三峽正防秋

江上望匡廬

尋山仰齊雲揚帆俯澄練雲虛練影寒帆轉山形變煙紫火雲朝鏡白月船晏九疊冷隱淪五老憩歡宴心與霧窟

返迹非風達便緩此存鄉憤鬱吾蘊真戀矯首高蹈人神
期若可見永當雲松巢終息榮利戰

入皖境卻寄楚中遊好錢東湖鉞

猛虎多苦心艷歌益愁思愁苦非一途情以思歸致幸洽
懷土忱復予樂水志尙怨東流長不覺歸帆易吳山見青
初楚塵化素未古節雖夙乏越鄉憂已墜回首念君子老
病孤舟繫濡迹荆鄂間能無霜露歎草堂賓白雲日待詩
人至歲晏風雨愁應詰王錄事

謂楚北當路尤爲
東湖謀歸資者

泊舟皖城奉懷太宰朱先生

時已

內召

九戩歌飛鴻甘棠咏拜枝周民仰樂豈皖士念命提倚櫂

望省垣登鱸見節旗城郭信如是函丈空瞻依
啟心命老臣能遂潁川私

衮職豈有闕

躋敬思格非嗟余舊親炙未能戰勝肥道雖若大路自擇
易途歧唯公吐握心令德日崇輝羈旅易荒落何以報公
知

卧病懷舫齋

朝議今奚若牛衣鎮日思孤軍完半壁一字拜餘師風鑑

予奇中

客冬相舫齋當有幽
薊之行今秋果驗

水操

帝特知虞卿書漫著尙慰醮壇私

舫齋解任赴京
楚民徧爲祈禳

雜詩示十九弟季懷

余於書最拙執筆能縣腕飽後親硯黃聊使塵心緩舊拓
楮墨香啟匣龍蛇斲於中吾尤愛神龍蘭亭本畫贊亦超
然俗刻皆奴算日仿此二刻捨鋒出趨管久久覺芒角有
如純鉤刻迺視近人書大半沒平軟求主雖不伯或足固
閉鍵又復勤摹追直縱曲有轉覆毫抽筆心鋒常畫內展
抑悟布九宮非必盡捺滿有神任形空毋作秋蛇縮苦無
暇歲月進與臨池選舉事求過人斯病吾不免請爲歌毛
詩甫田齊無田

皎皎雲間月，流輝燭幽房。中有懷春女，撫弦歌陌桑。誰謂
瑟和柔，增我慨以慷。義心多苦調，長歎不成章。整襟步重
階，俯仰思徬徨。清露濕蘭林，衣袂皆芬芳。所思千里遙，悲
嘯若懷霜。寧嗟蕙草晚，之子憂無裳。

悲風來萬里，白日垂寒陰。暮色滋川原，出沒浮雲深。撫劍
欲何之，索居懷所欽。堅冰塞洪河，表雪暗高岑。豈敢憚艱
險，獨傷失路心。念彼南山姿，憂思浩難任。

山川出雨雲，河嶽多靈異。趨舍非一途，丈夫重意氣。混混
歎川上，鬱鬱傷澗底。誰恃雲外翮，自損腹下毳。去矣梁楚
郊，獨從劇孟醉。風塵千里黃，荆棘走雙騎。空廬日抱影，中

夜不能寐老農晒郎邪違事問仲蔚

禪室四懷詩

峽布衣陳仙圃

中州有布衣沉勇深冷淵卧雲述行誼卓爾信英賢帷幄
摧櫓檣庶幾靖塵邊試可桑梓邦耕鑿頓安恬敵國知求
孟賈塞豈聞田恨不與布衣劇談金匱立寄書與卧雲勸
我早歸山感君知我名千里示真詮余遂祕商歌願君長
策宣終此保障功雍梁銷幕烟誰知府主換君若星流天
矯首望嵩嶽五色雲連娟

豐城布衣傅卧雲

已未三月杪君應經略辟蜀事仍劬知君久他適別君
歲過半不得君消息不識匡廬雲曾卧食霞客憶我初見
君目我以英物一爲長夜飲再拜結莫逆諄諄言羸軀精
氣宜祕惜功名不可爲吟咏復何益名利今煎熬寤寐驚
魂魄近或一夢君相對多慚色伊余邱壑志苦爲薪水迫
蹇驢鳴秋風驂騶亦求食何當得蓑笠奉母耕宵石

浦城撫部祖舫齋

侍郎藩楚北倒屣昔經過庶幾當一面得於恭儉多理劇
氣愈閒定變治不苛撫民以守地會垣銷偏頗謂我真雅
儒反手能起痾長策竟廢棄督師聽不和自爲幽薊行道

路聞易訖，旌節或駐秦。忽移洞庭波，流繞皖公擊。檝興
如何。

武進處士張翰風

扁舟君去矣，別淚尙盈把。拭淚寫兩淵，不爲知我寡。九日
莫愁湖，倦游聊寐假。假寐夢見君，黃岳紅泉瀉。我今顏闔
求君亦劉蕡，下載諷無衣。詩寒風何瀟灑，酒薄不可醉。脚
躡步四野，言念同袍人。千里路坎坷，何用展殷勤。在遠分
日親。

昔年

昔年十三四，慷慨志奇功。弱冠謁太宰，詞茫儕朝虹。問我

川楚策指畫櫂槍空嘆息天下才謂可軼賈終遊楚策安
邊承宜來趨風相期息原燎先試固楚封督師見小利狐
裘嗟蒙茸參贊誤有聞追尋鎖院中奪勢竟漏言幾至禍
叢躬矧聞啟沃人薦辟皆雕蟲使余用世志日隨江水東
長劍遂歸來菽水謀倥偬堅冰塞長途行旅無前蹤躑躅
出門去忍凍凌堯峯回首雍梁郊鼙鼓聲逢逢載誦汙水
詩愁焉傷心胸

龍門渡

渡水深尺半環作綠玉寒扁舟循側石一篙未可安佳名
錫龍門确犖無留湍那知九谷底不有蛟龍蟠兩崖峻干

名二十一
二
仞積雪迴羲駿行子畏斜日橐糗不遑餐顧見呼渡人男女
頽且頑洶洶百十輩手刃或長竿千里避水災骨肉棄
團圍以禮食則死何能苦自完我本爲飢驅窮歲扳巉巖
况聞流亡言遂深涂室嘆蟻穴有潰防善厝故匪艱寄語
專城人信此涕洟瀾

行黃山下

龍門

嶺名

見黃岳奇秀非言詮循麓百迴轉堅我志霞煙千

年埋紫霧定知藏真仙寧無英秀鍾俊傑生其間玉兵偃
涿鹿問道摩層巔胡爲壽三百人耶疑上賢得毋傲吏心
拜風皆后言大隱隱朝市斯言古所傳呂召守黃庭誰作

周之翰始悟用世人故乏山中緣蹇劣有如斯庶幾宜林泉

餘雪散窮岩蒼黃互低高畛陌藝麻菽粵集流亡曹聚散均齊民此政非吾疇不以隸編氓異性馴則勞何術馭其渠乃在鄉賢豪禮可維其心威可制其剽維制果有素曲突功無僚不然有稂莠與成市井交山穀倘不登萬口齊嗷嗷用六戒履霜山越斯其嚙斧柯竟誰有引領遂長譖賢豪信茲鄉行子毋切切

箬嶺

箬嶺歛北門黃岳浮嶺頭望望欲到天遠令行者愁繞谷

卷二十一
三
及其麓豁若行道周始信。鏤鑿功能盪天地。幽豈謂壯士
懷登茲百慮繆。末富甲東南人不愛里州。環野瘠且隘。奈
此窮民稠。四山新蛟痕。鞞鞞干垂旒。彤家言有徵。毋乃氣
休囚。一身不自存。遑先斯人憂。去去勿復道。日昃念途修。
巖寺

倦客遠到家。家事紛不理。我本拙治生。屏當亦無俚。展轉
念良朋。藉以解愁否。冬日幸暄和。言訪北郭子。裹糧登狙
杙。崎嶇三百里。行來四晨昏。巖寺指前市。張生隱其間。望
茲我心喜。暫足避俗氛。又得引妙緒。生涯各飄蓬。珍重十
日聚。我思古之人。鴻軒有嵇呂。

留別程秀才川佑

總角耽詩書，深鄙志富貴。劬及窮途懷，刺謁當事燭。下
初識君，紫衣短及地。軒然似成童，落筆常千字。謂君秉殊
質，博覽益其智。合轍須異時，蒼生望可寄。聚首不可常，余
振遊楚翅。思君三千里，夜夜縈夢寐。歸棹倚鳩江，重修几
席誼。回計結交日，春秋已更四。唯君積問學，尙亦無殊異。
妙質竟蹉跎，得毋類自棄。余應山澤癯，君終廊廟器。異時
譏無術，吾望云何慰。珍重歲不與，及時宜自媚。勵此千里
心，勿爲纏牽累。良月廿八吉，君當結大義。惜我行期促，未
獲侑君醉。我聞兒女懷，實短英雄氣。抑聞居室近，君子道

已備詳味古人言明者擇所自更宜慎失足亦復靳諛戲
前期未可請言別誠不易贈君言三百卽作朝朝璫

偶成

遠遊積亂夢夢思竟無端歸計十年拙窮途一飯難簾前
霜影怯煙外客魂單展側孤衾冷空城漏未闌

贈甘泉王巖芝紱

并序

紱本名福余爲改名並贈字自成童爲同邑貢生姚雨
田澍侍書通歷律陰陽權家言過於其上性堅質能任
事機警有權畧事主廿年見利思義識度所及卓越冠
蓋感嘆激楚輒贈此章

降衷賦恒性平蕩無偏陂永言求多福託地空爾爲在子
生不辰微賤淪青衣所幸事賢主能食復可師我作廣陵
遊飄蓬無定期中途遇黃髮傾蓋語移時招要過其家觀
子頗有奇樸檄固無交矇眊皆生輝終日侍不勸側聽何
依依夜分送我歸路遠心彌怡導子使盡言分決其庶幾
唯余善鑑人如子亦良稀努力取諸身志士宜自希韞璞
及盛年日益更事機殊遇固無方鴻漸終能飛若主已就
衰諸雛猶角羈李善苟不興引愆有鍾離愧無君子譽未
遂拔王尼

偕步保障湖由長春橋至惠照寺次韻

巖秋飈已暮，羈思不可釋。矧追川上遊，興念遠行客。逝者有如斯，得毋夢昔昔。不見澄澗清，寒烟破暝色。嬈嬌芙蓉花，揚輝歲將夕。慨彼絕世姿，棄置橫阡陌。隔岸垂深楊，隱麗金碧展。側曲徑間蕭寺，六朝蹟道力。闕興喪古霧，涵經席舉手。闡靈關杳冥，不我闕。明發念歲寒，寸心自求懌。誰爲日浴者，雙鷺飄雲白。

客邗江一月，諸君子日相過。從知余有中州之行，各以詩餞。輒賦二章奉答。

一枝無安巢，廣陵試秋翅。翔而存舊知，新交亦羣至。濁水環斟酌，瑤章各編次。嘆我何蹉跎，問我何憔悴。奔走四五

年間關謁當事聞譽竟何益好名宜顛躓於今求聞達妄
心已消漬載諷郎邪言不覺更涕泗

玉鞭不可借金匱譚縱橫屢稱東土山詎聞絲竹聲太白
昔已矣矧余非降精安能免蓬飄高枕樂吾生詩人念明
發日月猶邁征君子各努力及聞蟋蟀鳴臨流賦沔水行
人不濯纓願移惜別意信茲嘆逝情

送別張古餘領守

在昔聞韋杜相知厚且真古處逝千載下今重見君維君
夙通籍升卿領守頻欖槍欲芒熾譚笑靖沙塵

已未秋古
餘署南

守利器有如斯俊英誰出羣不謂進豎儒延爲倒屣賓下

交疑毛薛矧余非其倫誠恐累明哲撫慮常振振賤子初
惑性同室視鄉鄰俯仰顧無藉先憂念愈殷以茲事周遊
長策時敷陳好龍乘葉屋鼓瑟坐齊門敢云莫我知庶幾
恥賤貧遂堅獨善懷耕稼期躬親若乏草堂資垂翼從艱
辛賴迴長者轍暫使頽眉伸得侍謂可久結旌載舟濱行
矣懋明德霖雨其日新

贈江都汪孟慈卽留別之吳門約八月重來揚州故有末
語

行子逐飛蓬倚棹邗江側豈忘接浙心謂與吾子直容止
何翩翩問年初六尺沈思發其華安雅徵於色接席心已

傾繹詞更嘆息。自言先君子卅載窮冊籍。博綜漢唐編。精
破儒先的。遺書多未成。繼述伊誰責。痛無趨庭聞。懼孤執
手泣。伏人亦少孤。十載存手澤。感君永孝思。志同願相飭。
象數故粗文。義理研精液。慮受古久愚。非必前薪積。不見
顧崑山。吐詞無殺激。矧求聞譽施。實累身心益。親仁遠戲
謔。稽古慎攻擊。自見則日明。早服莫如嗇。守身以事親。相
期終不失。人稱君子子。斯乃顯揚則。語淺情苦深。引領數
秋旻。

贈鄧完白山人

斯水骨既朽。千載絕妙蹟。吾皖產布衣。壯觀頓還昔。自從

二徐來氣象若逼窄，不謂見君書。激宕震心魄，結構何窈
深。森森露矛戟，間出駘麗姿。旌旆戰風黑，和若母乳子。縱
似馬驚埒，乃至無畫處。逸韻流空碧，又工爲八分。氣與中
郎迫，其餘作行草，亦足偶。疑式專精古，所難兼。技况絕迹
二李如可作，正宜復。舌咋，聞名七八載，于今奉顏色。修髯
初飄飄，質雅到裙屐。憶昔吾友張翰風，述君足奇逸。擔簦
遊歙州，五摩天都脊。每到窮岩壑，輒見題頑伯。吸彼萬峯
奇，以助十指力。嗟君負此才，不勒燕然石。蓬轉市肆間，邈
迨歌代食。曹霸貌行路，俗眼反遭白。真識故罕逢，妻子當
嗷嘖。唯余亦踏蹬，詩筆頗無敵。監狗亦有人，凌雲竟何益。

各懷矩步傷况是同鄉客握手妙高臺聊足散勞積把酒
爲君歌此日足可惜不歌已三年諠語殊刺刺

奉酬熊介茲樞直

皖江有書生所學在齊治少小習孟子卽懷運掌志哀哉
方成童當室更力飲迺從千里遊依人作生計忠事盡吾
分憫人懷亦遂寧知廉恥衰斯道久棄置畧存謀道心便
負憂貧思湖海浩萬里無着孤雲地以余困饑寒知民足
憔悴誰爲朝餐者不解存此慮蓬轉到京口僧房聊借寓
何幸遇君子下交不遐棄議論多英達襟懷何坦露贈教
以佳章三復見君意意謂夙通籍

國恩渥累世有日居可爲薦賢乃先事纍纍銀青公鮮此
明大義君善守是心斯民待攸墜維今草莽臣實云足賢
智伊余闕數州已覺精英萃共嘆莫我知未堪衣食累得
毋結網疎華陽放騏驥近聞秦粵郊饑鼠復縱恣豈無安
邊策其如兄弟啞吾已學無生鏟盡龍泉利忘世非初心
獨善愧猶未但得買山資便欲謝塵韋南山深霧中時洒
思君淚

紀蕪湖事

蕪湖縣寶塔灣居民汪某年十八歲其父於孩提讀之
育嬰堂撫爲子嘉慶八年六月二日某從無藉博遊父

諭之不從。督過之。某遂踞竈。拳碎兩釜。母拽臂止之。遂批母成傷。少頃。某暈絕於地。兩股熱如火炙。既甦。股肉全起成文。左股曰不望不欠。右股曰十五日雷打不孝。父母懼甚。延道士於雷祖殿懺求。爇香不燃。某自熾炭爇之。竟不燃。某自知不赦。初八日夜縊於廁。然竟夕繩絕。卒不得死。余適至蕪湖。悉其事。夫父母之愛子也。兇逆如是。而欲贖其命。天威之無爽也。凶人捐生而不改其法。夫卷阿歌。翩翩之羽。而庭氏射鳥氏。職詳周官。然則牛羊在牧。必有敗羣。在牧人能斥去其惡者而已。鉞亮天工。幽明一致。保甲湮廢。吏不事事。以致人道淪絕。

欲鬼不神其可得乎。是故神道設教非誣民也。閻闔九重呼吸遂通。天高聽卑。良可懼矣。說者謂雷爲戾氣之積。物相值則有傷。嗚呼。使是說而信也。不亦瀆侮天鑒而便於怙惡者乎。余故據見聞所親筆載之以信將來。且以明天心不諱用刑。而順天者昌之不必在縱惡也。上帝非任刑。殛惡著成憲。陽故設斧鉞。幽復信雷電。輔此孚佑仁。革彼不類面。所以契聖心。每聞則必變。自古云神誅常發。人不見。良由惡旣見。早已登明譴。陳殷師正賢。讀瀘州黨徧教。恥加明刑。大憝卽屏遠。無如身教衰。徒取公事辦。誤讀在寬書。陰隲惑本願。藉辭擾獄市。矢意從未減。

漸令遊閒多極致倫常舛於此鬼不神從惡益肆慢於此
天默誅人猶疑虛幻諄諄命如斯赫赫德不顯乃能格兇
逆就死無悔怨惡積固滅身武貞亦止遯若人雖不道其
始猶可諫孝弟講庠塾驕縱邊童州其有違教令鞭朴卽
遞薦折抑其桀驁振作其忌憚鴟有頌食懷草不圖滋蔓
豈遂累辜孽至上達汗漫亮非賦性惡職竟由習慣初聞
極憤怒旋思轉悲嘆且復愁神力無方亦有限焉能日馮
馮下與人爲難教先有父兄刑齊則州縣一惡可得罰火
烈終難犯不善善之資別慝樹風範毋僞爲仁厚以苟避
謗訕去其害馬者實爲騏驎便不見雷示威亮工恃雄斷

乙丑初春東園步雪同翰風成之作

閉固冬不密窮陰無藏蟄三日釀春燥風雲驟相合寒響
追遠蒼凍影團空閣積雲忽破散隨風并蕭颯東園近倚
郭攜手良朋集複閣眺清曠連縞沒郊隰砌竹盡垂籜隄
草或吐甲時見跣樵行願送過鴻踏土膏良已融蝻孽信
可戢庶遂望麥懷聊慰傷春曉。

男

誠家承

孫希麓
希蘭
校字

安吳四種卷第二十二

管情三義卷第六

涇縣包世臣慎伯著

詩三

吳門逆旅四懷詩

大興相國

幾度移書問薜蘿，不言溫樹意如何。只應洛下畱才子，爲述吳公治最多。

甘泉學博鄭清如丈

年來政府求民隱

朱大興劉諸城戴大庾不時存問

此老雄心未忍刪

說長鯨驕海窟

時蔡牽陷臺灣

夢魂還上大洋山

故江西撫部陳蒞洲丈

老人清興近何如日望江干問謫居爲報年來漂泊甚等

閒蜀素未能書

撫部在浙江得唐白麻牋長丈二尺珍藏四十年遇余乃出以相慰然諾之三年未

報也

贊善黃左田

皖上羣訾好辨時此心耿耿只君知如何待詔文徵仲終
被人稱老畫師

題胡智珠內史琴松風圖照

人聲協天籟聽琴如聽松橫琴古松下再鼓臨長風風繞
萬壑出飛送雙吟龍能令聽者心緬歷九疑峯夙昔知幾

人七字聲摩空寫生紹蘭陵愛女術兼工

竹瓊定生兩女郎初齒齒卽善

詩

畫骯髒許公子悲歌吳市中樂惟閨房秀交須屠釣雄

迨值賤子不語神已通何當拜簾前環佩聞琤琮

題趙穀庵風木餘悲圖

傷哉樹欲靜悲風千里來今古共抱痛遊子情尤哀趙至
釋書泣負米走燕臺椿萱同凋謝慟絕荒山隈馬鬣雖可
識稻梁謀復催艤舟辭新壘瞻視何梅梅此身倏蓬梗此
心寄崔嵬爰寫風木圖卽與補南陔

奉同百菊溪制府舟勘清口五道引河改陸勘高家堰
蔣家壩制府先成二律依韻和答

天靜水無波，舟疑鏡裏過。重關鎮清口，全勢注黃河。激溜今趨北。

神謨定不磨。

純廟於頭壩前蓋壩屢接過金門逼溜北出用以刷黃

臨工昭率舊

心感到牽蘿。

清河士民屢請接長蓋壩河員卒莫應者昨日制府臨工其議乃定

奉轡金隄上，轡環僅帶圍。蕭南傳溜獮，淮北想鴻飛。上智善因勢，奇功在握機。使人知賞罰，所願自無違。

疊前韻呈制府並示幕府諸君子

八九水同波。

謂七十二山河同匯洪澤也

黃流並北過，定資疏海口。先

與漱鹽河。

湖水澄黃以出禦壩卽下王營減壩鹽河新淤可藉刷滌

一線堰盱道經年

風浪磨，瑞符本分泄。試遣問煙蘿。

靳文襄建祥符五瑞二河入湖以洩洪濼二河入湖

之水後反借以減黃今黃既斷流若測量可以挑切而減
力入黃則湖可無虞過旺而猶挑百里河身亦得刷滌之

減壩分雙五民河互繞圍

高堰二隄壩五高郵下壩應之壩下民便河分路歸江歸海引

原入委舊制本善

本能分漲勢豈遂逐濤飛聞策重門障宜參並

用機

純廟晉壩以濟

諭尹高兩使相旱年宜啟

倘更築爲浚

利益係從違

河帥近估修高堰二隄經費二百餘萬若移以浚下河民便各河則啟壩不至成災湖水

可無容過守已

壬申冬杪過平原謁魯公祠用公裴將軍詩韻寄兗州都

督陳默齋兗沂兵備熊介茲

受土作命吏所職固坳垓治亂常倚伏圖終在慎哉論資

署紙尾鉛槧障雄材。伊誰信求福臨難獨不回。丈夫寘周
行肯辭陟崔嵬。將吾識所達匪爲名。震雷聰明果在躬。禍
福必先開。毋待事變至。始虞非意來。寄言專城者。鄭重魯
公臺。

丁丑正月偕歙閔子敬宗肅自揚州發程隨計分賦

又際闢門盛。相將踏軟塵。敵無坡老應。別比卞和頻。子報

三菽水謀仍迫。棲遲願詎伸。義顏期慰藉。至泣更酸辛。爲

苦鳩生拙。何當花樣新。不耕容有穫。未獵豈懸鶉。鐵硯非

求已輕裘。敢羨人從來。鄉曲譽幾誤。草茅臣慚說。知途馬

欣陪觀國賓。淮陽浮片席。幽薊碾雙輪。利器發礪日。霜蹄

入尋辰祝君致身早高足據前津

邵伯埭同子敬作得東字

淮貫江河腹長隄一線通重湖爭走下累石捍流東黃滅

清應漲橋開浪自雄裡河魚米地生計吸噓中

裡河七邑連年多於

成熟時被水

春首稱歸壑波光尚接空雨行兼壩啟岸壞未墉

崇

河吏以西岸加高七尺請於河帥庫項支絀允而未行

葺屋畱沙迹汗田輟歲功

湖西居民被水患已十年

白生治更愈赤子命難同

黃運兩河雖同屬南河而失事處分

懸殊故壑有所擇

聞說懷仁力全勝束水洪千年歌謝傳名義豈

吾訖

淮陰釣臺同子敬作得陰字

緬彼垂綸客，觀情坐水滌。固知秦德厭，難遣古懷深。怒絕

亭妻，薦恩縈漂母。砧佩刀時，顧盼擗竿漫。沉吟謝詩息陰倚密竿

上聲未達，不綱術徒勞。獨繭心食葦，空逐鹿貧餌。竟成禽。

行遺窮巷，高功困積陰。長淮嗚咽水，流恨詎能禁。

滯迹吳門，和小宛見贈韻，卽效其體。

四旬有四，齊兄齒逝者。堂堂已不還，感節行燕餘。骯髒悲

秋情緒，尙聞關聽殘。反舌聲依約，飲徧香名事。等閒坐使

如神筆，花落全輪勳績付名山。

竄器鄒國語，吾遊自見何須察。眊眊一任畜狸誇，捕鼠豈

宜負鼎悔函牛。苟全我待開三徑，不朽君經出一頭。屣搗

其人守先訓廿年心迹信無偷。

小宛過訪訂遊靈巖疊前韻囑再和答

昌黎席金不足攫安道門船未宜還只爲文章真習結頓
忘身世舊心關。篋階無復分陰惜竹院聊期半日閒莫怪
行踪更濡滯閭邱招上虎邱山

檣燕依依語客遊。蜚鴻習習送秋眸。空聞勞者相求友誰
解商歌急飯牛。幸不斷長悲鶴脛悔將尙白問烏頭。卻憐
早漏商君網依舊驛壇試狗偷。

與金壇段鶴臺

玉立

明經論書次東坡韻

昔吾論文筆於中必有我。蜜成花不見持以論書可錯綜。

理相安。避就形時。橢常能伏紙。驕始得見筆。娜轉換心如
旋駿發勢。每頗攝水墨。無溢開鋒毫。不裹鋒毫。辨微芒。水
墨分纖麼。嗜此二十年。長者力先荷。聞聲震合弦。譬巧知
扣筇。只今兩少師。傳書苦不夥。變法心何雄。涉險氣振惰。
俗學貪速成。錦鞵被駑跛。步顏擁肥姬。趨歐牽病賊。若謂
吾言非。試與訊江左。花之情浮而爲密。其滓沈而爲蠟。蠟
採與醱大有事在。錯綜十句。言釀之事。只今八句。言採之
事。凡作書無論何體。必須筋骨血肉。備具。筋者鋒之所爲。
骨者毫之所爲。血者水之所爲。月者墨之所爲。鋒爲筆之
精水爲墨之髓。鋒能將副毫。則水受攝。副毫不裹。鋒則墨
受運。而其要歸於運指。六指能揭管。則鋒自開。名指能拒
管。則副毫自平。鋒開毫平。而墨自不溢。出筆外。水行墨
書勢無不道潤矣。王侍中傳右軍之訣云。萬毫齊力。子
申之日。五指齊力。蓋指力有偏重。則毫力必不能齊也。柳

誠懸楊景度兩少師皆神明於指法故一變江左書勢而江左書意反賴以傳但知之者罕矣。

松江舟中守歲

并序

予以嘉慶庚午夏奉母僑揚州負米常數百里唯度歲必歸侍戊寅冬滯迹吳明小除夕以冗反役於松獨坐小舟無伴侶共言笑無卷帙供繙閱默記東坡餽歲別歲守歲詩韻和之以破岑寂無取附題亦非言志不作此狡獪已十九年錄出殊覺可意所謂見似人而喜者耶。

廿載廢書史枯腸索字佐有如入荒市客至售無貨趙州錐也無昆陽敵轉大白戰驕袖長綠沈澀苔臥少小薄韓

蘇出語必驚坐。未宜名占時。所媿命次磨。海氣足風濤。蓬
窗驚歲過。莫使筆挾行。永謝巴人和。

詰朝半九十。豈日日遲遲。屈指數迷誤。雖悔安可追。挈眷
遠墳墓。就食韓江涯。歲杪隔團圓。倚闥慰何時。書來報幼
子。思爺食不肥。况念居與行。豫爲新歲悲。堂堂歲棄我。棄
我亦何辭。汝年已非壯。又增慈母衰。

長年挾策遊。有如乞兒虵。蜿蜒自道工。見者眼先遮。雙石
昔歌舞。卅算今誰何。此生分寥落。前事安足譁。靜思得歲
時。心花如鼓撾。巨觥趣險韻。遑問玉繩斜。幼學茲荒落。壯
氣日蹉跎。歲去不可守。努力將焉誇。

己卯歲朝松江卽事

除夕三鼓泊松駟詰旦謁廟逐香客士女駢闐鐘鼓喧酒

棚茶帳羅殿前帳外占風有黃耆歲朝東北當大有今年

又收十分租摘銀折漕骨髓枯石米塊八價在市吳市用

塊計每塊分十角角分十分蓋熟米一石市價一塊八角也官漕石折六塊四豪矜交

米二石三民戶入倉橫管置松漕敵正斗五升折色倍蓰

何能勝入夏徵銀發雷火擄催條銀江省用雷籤火籤田租糶盡稅亦

清狐裘叔伯尙清淨訐上頑風不可競祇望歉歲無租敢

忍饑不受吏誅求可能重見大興朱萬姓瘡痍得再蘇自

正丙召以及其卒七八年間江浙收漕不過加二末召之先既卒之後漕折頓殊故民思之如此其實文正未嘗治

吳也。

初二日莘塔艤舟看中天王會

莘塔小鎮吳江鄉鄉民釀賽中天王初春祈年仿昔古請

神出巡驅癘殃神本宜興宋劉令

劉宰南宋爲宜興令今俗稱爲猛將

民傳

令有治蝗政官祀從民充八蜡蝻蚱猛將稱無正封號不

經勅市張

吳俗尙鬼居民欲尊其土神以爲觀美釀金餽張真人承制降玉勅無不封侯王者

有舅

醜食尤荒唐鹵簿千人擁黃屋捨身孝女披銀鎗劉君澤

未及中吳河水淪漪有說無乃知民心樂除害不必身受

同歌呼民苦漁侵事非一害稼何須蠹與賊鄰鷄果見

一攘身後懸知堪廟食卻憶宜興曾薄遊長橋終古說袁

侯一橋利物功原細須信全無利已謀

己卯歷下守歲疊戊寅松江舟中韻

騎驢去京華。歷下從賓佐。府主官承宣。所職豈司貨。握算日不給。何暇計遠大。屬部苦秋霖。黃流併北臥。犬溜穿會通。狂淦嚙城座。馳檄議賑防。日夜蟻旋磨。災黎未遑生。邊情春汛過。卹民乃裕國。斯言竟誰和。

胥吏弊有藪。其藪在紆遲。唯假慎重名。弊乃不可追。是心既誠求。爲治豈無涯。前牽後荷筮。詎見羊走時。况復念飛鴻。獨飽焉能肥。逼歲雪累尺。陰沴更增悲。俯仰顧無裨。素餐咎誰辭。夜夜夢家山。甚矣知吾衰。

從好親翰墨，目驚入草蛇。與酣偶落紙，心慕饑鷹遮。心已不及目，手更如心何。歛墨畏木強，開鋒慮誼譁。將毋筆花謝，徒勞羯鼓搗。雙眸况懵忪，勾畫時有斜。已失卅五歲，自分任蹉跎。中夜愧燭奴，猶將花葉誇。

庚辰初春雷別大明湖三首錄寄吳槐江宮保丈蘇州胡墨莊給事陳秋舫修撰都下汪均之上舍漢陽以代答書

山東本齊魯，儒澤垂千載。云何間古今，遂稱難治最。訐訟連歲月，越驀成僨隊。劫掠既時聞，梟匪復相倖。半年佐行省，始得悉其概。民心實淳樸，官方太蕪穢。以此成交惡，

非上征利縱蠹作爪牙養奸爲肺腑務爲不可知六廉讀
應廢庠序盡鞍轡閭閻悉凋瘵凡有訴謁者百計加苦累
志在使道路以目無罣碍察吏示此意親民趨不日偶有
服古士夙知學道愛一再傷沈淪更端步時輩聞有故充

令

陳醇字貞白長洲人知
滋陽以二十年冬被議

虧帑發被逮時正值歲除軍民

相驚駭謂此賢父母來者莫與配雖無聽斷才宅心不吾
害若不勤輪將必至驚簿對家家賣釵釧累萬頃刻萃以
此稱難治毋乃疚省內平易民必歸聖訓章章在竊嘗持
斯言羣議皆狂悖

野人養君子斯義古有訓糾察實繁科短長易授柄制廉

况未優攤捐數日盛查扣與委提一一語盤硬又復責供
張絡繹從將迎豈能更率屬相與卹民病取償在收漕攘
奪過倍稱廉平人所難賠累矧無竟吾欲事調和官民兩
遂性先務取其心取財勢則順近世民苦瘠治生各自競
不必言撫字但無增苛政稍爲除強梁良懦便稱慶迨至
收漕時輸將自多剩胡乃反此爲唯知事暴橫終歲恣昏
昏怨讟已早孕民唯待浮收恃直得上請又日子不戕刀
劣頑書令周鼎馬履鼠爲惡不陽行敬告有心人治民草
求勝

無非同有非無罪同有罪齊治自古然於今竟莫改夙弊

秉微尙所至見丰采不能行吾志卷舌卽言退豈意來山東化枳蘗蕭艾徒爲稻梁謀竟作提挈儻牽掣固難工備責斯有在曾未起沉疴坐見增新痼屈指計偕期拔足出孽海已貽素食譏懸知從政殆故人勞致書期許千里外匪無裁答閒執筆中自餒少小奉庭訓廉隅爲冑鎧誰應戀雞肋雌伏淹半載深負府主懷

岳齡安字松庭滿州白旗人

遇事咨

詢再中夜撫初心汗涇不遑悔

書會寧紀事編

李堡號雪濤吳人以進士宰會寧亂平後改教爲安慶府教授卒于官

先朝阿文成相國海超勇公足智勇不數衛霍漢廷重阿渾爭食

如鼠饑草枯不戒燎西陲羽檄徵兵鬱雲上喋血猿沙染
黃壤籌筆纔勞三望舒曲突止須一亭長會寧賴有神明
宰築垣蓄水奇功在所惜功奇恥自居謫守青瑣功不再
載舟覆舟自古然治民莫擾如烹鮮必云愚懦無倉卒請
讀會寧紀事編

寫捫蝨圖寄翰風

時客古北口楊軍門節署

景畧不偶世賣畚嵩山側弛擔謁宣武捫蝨叶胸臆擾攘
苦塵沙顧盼傷兆億夷甫豈足譏陸沈難未息駑駘鳴秋
風駢驅久失職江東無卿比傾葢要肝鬲宣武雖不終寔

具知人識珍重寫斯圖
颯颯蝟毛磔

登穀城山望黃石公祠

一卷書傳素千秋
石祀黃名山緣地督孤宇
接天蒼客子頻懷古
勞人此息輻流飈
欽汗簡遺躅况仙鄉
風雨今靈異神期豈渺茫
只應呼孺子猶得契真王
巖業雲霞躋斑斕
薜荔牆何當凌絕頂
重與奠椒漿

自題夢遊東山圖

緬懷東土山廿載勞夢魂
詎須雙駿馬絲竹猶可聞
少小有微尚所尚亦屢移
庶幾待來年能知今日非

寄廬燈影圖爲清河蕭枚生

令裕

梅江

文業

兩叅軍昆弟

作

幽壑絕行蹟芳春闕崇蘭桂枝託巖扃秋來馨一山英英
兩蕭君名滿江淮間風雨對巨牀篝火懷青編爲學綜今
古所至交豪賢深情託斯圖豈惟念艱難從來賢母教不
以窮達遷譬彼機中絲受采惟質鮮貞此廣廈志勿忘寄
修椽炳燭照綺羅懷若寒燄前平生縉紱情敢以金石宣
稱觴試誦斯或開慈母顏

題蔣奉他

成

閉門種菜圖

熙甫判順德誦讀兼灌漑其餘無所問方懼公事廢乃有
老胥吏謂前有陳倅名宦五十年公來作其對閒曹肯居

閭閻閻少擾害中醫不服藥此言殊可愛予常持此論聞者或譏悖請看奉化丞閉門能種菜。

三月二日江上行

二月二日江上行江邊日煖蒲秧生遠山映樹眉初翠新柳窺人眼未明東閣巡檐猶索笑北牆負曝自多情勞歌遮莫歌勞事求友時間一鳥鳴

二月二日江上行江頭黎老初春耕忽憶去年夏漲異誰知老岸沙痕平農書舊進中和節野諺從徵瓜瓠生

諺云二月

瓜瓠生惟願年豐同子美閑吟自和候禽聲

進題張荻州刺史政績圖

爲吏不奪人已服儉者德何況求水利躬爲籌民食伐木
開墜剛備歉事貯積猛虎不得類自去非神力汗萊匪予
戕爭踐皇父迹再拜讀遺圖撫時更歎息

題濮栩生飛文館圖

濮君清門裔都下稱墨妙結交皆老蒼侯門臂常掉涕泣
述先德傳家唯忠孝佐命洪武中三軍推嫖姚受土鎮皖
城隍民士不剽校射築飛文敬止况遊釣偏師徇百濟失
道陷泥淖剖心誓天日島夷驚竒操弱息留皖江潛德久
未耀正史誤書名家乘幸可校館址在荒郊茅茨苦不埽
近更事遠遊遺迹誰憑弔寫圖示子孫繩武期維肖感君

維則心敬爲觀者告

襪放南歸畱別姚亮甫撫部姚伯昂學士

杜陵破萬卷一藝得聞罷青蓮泣鬼神馬耳東風射莫奪

西傾葵屢稱東山謝伊誰借玉鞭相將輔構厦矧子幼顛

愚性安藿食者常移恤緝心獨發倚柱咤窮年究今古餘

事涉騷雅傅蔡頗追風王阮欲驂駕約見惡溪從嘉慶丁巳蕪湖

善旱爲宋兵備作文禱神詩有旗亭畫乾隆庚戌白門妓薛挑哥以子子夜

春歌被好士大興朱下交洛陽賈閻遲培風棟梁資養

之管弦文正公以吏部尙書署安撫聞聲招取贈詩曰奇才誇

洛陽又曰豫章拔地深夏屋資棟梁遲爾培風厚不獨色匣劍時一鳴投筆事戎馬矢靖雍梁氛驚氓安耕耙

繞朝徒策秦仲宣終辭灑

已未仲夏應參贊辟八蜀仲秋卽賦歸來

衡門可樂

飢負米敢自暇海上問乘槎河孺視塞罅備書代服力雌

伏齒旅亞宗臣持使節

謂覺羅長文敏公戊辰夏奉使視南河事

輕先誼高跨

歎息輔世才推食箸前借夙昔憫昏墊手援幸有藉求見

金成隄翻使錦成哆狺狺吠相迎違違飛詎下教言諒不

犯跼踏哀知化誓逐江海志卷身寶學稼埋齒卽遠焚避

崖自剔麕時有爲貧宜心因捧檄下遮莫蹶霜蹄依舊躍

祥冶衆人爭棄捐君子轉優假求艾憂癥癥說甘比膾炙

幸託德有鄰詎嗟曲和寘匪忘貧賤恥其如山川舍矯首

玉泉山煙水相吞瀉繫此千里心萋萋生如乍逝將納履

去魂夢繞茅舍。撫時併徇知。無寐猶中夜。

喜聞回逆張格爾除夕就擒於鏤蓋山。用工部官軍已臨

賊境韻

敖罕應通城。

張逆成擒後其妻子在敖罕大帥檄令致送許以重賞。

卜倫竟剽壕。

卡讀

平聲卡倫清語外圍也。

神孫赫斯怒逆裔死何逃。

張逆係逆角波羅呢都之孫。

上相新玄袞。

謂揚

威將軍拜團龍補服之殊賜。

中樞舊白袍。

謂參贊楊公以行伍起家兩平青海威著西域。

宴軍

燈照席求赭雪封旄黑帽途難假。

張逆入卡倫被黑帽回子截回。

紅光馬

更高。

生口供臨陣見紅光中兵馬高大不能抵敵是以敢退。

山溝猶擲石。

張逆棄馬滾入溝內。

猶擲石拒退者。

管井漫興濤繼絕誠

天德孤

恩信若曹八城圖入版

波羅呢都與弟霍集占俱以回部世子被拘準部十三年純廟既

平準部

命護送歸國反閉關

拒命遂收其土爲回疆入城

這孽役重勞此日欣輸檻

從今罷繡亥不聞驚馬角盡解買牛刀用命原開網投緝

必引鼇

頭目八人同時生獲

東師歌破缺

長楊兩帥奏以東官軍撤兵二千護解張逆入都

西旅遣會豪

回王伊薩克遣回子十人護送

前識懷先哲乘時匪幸遭碩

猷明德害凶性忤腥臊

阿文成公會言回部性頑難治以漢法宜擇酋建國而設大將軍于

烏魯木齊責其貢賦不然恐辦事領隊諸臣或有貪淫等

事不過六十年後終當有變今張逆適符其期參贊武公

重進此說以故上命

詎意三權握偏徵四守牢莠民鋤

附柝

獻縣奸民謀以正月十五日爲逆其戚先

期告密遂以十三日捕獲時捷報尙未至

番子去臨

洮四城失守，青海生番乘間擾河北。戮力羣雄集，殲渠

廟算操尊親，通有氣耕稼變無毛。

卡倫外每歲至八月，輒大雪封山，今以除夕擒

張逆於鎮蓋山故云。歡合歸

慈聖

王公以擒張逆請恭上皇帝尊號而皇上躋茅敬謙讓祇勅命部臣核擬恭上皇太后尊號

分渙大號

揚威封威勇公參贊封果勇侯酬勲容未已，酌兕薦春醪。

回首被擒五言意，有未盡再用少陵洗兵馬韻爲長歌。

國家勁旅出三東

謂東三省盤馬彎弓鷹隼同，飛馳萬里夙無

拂指顧四城歸掌中，首逆偷生棄城走，兆阿不得並論功。

諭旨云：若張逆成擒，便與兆惠阿桂後先輝映。

籌筆幾經蒲苜海，插羽時人

明光宮猛將

謂武參贊羸輪逾班搭回語謂山勝兵奏凱度崆峒。張逆

出卡大帥奏請凱撤一半

月照關山猶暈畢旂迎烏鵲正占風部落安

集延雖小布魯特性忠良少敖罕新強更助逆鍊蓋山高

古霧杳負爾遊魂未足多留茲餘孽終非了煽惑若被逞

犬羊驀越誰哀窮魚鳥道遠路迷七間疎樹密雲深三匝

繞懸購無能要領得斥堠空傳刁斗曉老師糜餉勢難當

欲援荒服置來王

武公請分封四城使自拒守

天遣妄疑兵力弱人教

私誦馬蹄強

張逆以官兵凱撤噶城兵少除夕八卡及官兵追至猶縱馬衝陣

欲試狼矇

辭免窟思張魅崇出蜂房善占多算小無敵身先羣雄策

鞠蒼

馬名果勇乘以臨陣十餘年矣

大愨成擒殲黨惡

廟謨克稟稱

明良忽見塵中飛露布如聞雲外鳴歸昌回疆自此仍輸

貢慎選摩伊滅將送

摩伊國語謂領隊

無藝不征將鬚錢有心白

破追豚囊都護果能聚民欲和卓何緣畱輿頌

回民開大小和卓名

皆流涕諭之自西域來者甚信

在軍

恩許安室家

新令新疆官許攜家屬

導山源足資耕種

回疆多山山皆有泉以無

溝洫之利唯平地近河處始生五穀可立村莊城堡

路南老把

新疆以回部入城爲南路老把回民稱長

老也樂康居遼陽少婦罷愁夢須識佳兵不祥器

聖人不得已而用

畫松壽陳登之別駕三十

青松初拔地本性自高潔亭亭百尺姿矯矯歲寒節既能

承雨露又解傲霜雪不爲雨露恩低柯示容悅不爲霜雪
威改葉隨磨涅得蔭遂攸堅與期仰不譎終成棟梁材凡
卉徒騷屑

題烏程凌厚堂

萃注經圖

義理在人心故訓須師授但得詁解明深淺任採取憑肌
談經義正學晦已久近儒漸好古一得同匄僮用心本西
笑致力每東走伊誰能決川迴瀾導狂濫粵予有意興推
測或八九所苦德不恒故籍罕研究何幸遇所欽尙志事
不苟徵實攻鑿空操戈伐墨守生木還食木前賢常畏後
博學戒不出先訓意何厚雅儒必好辨惟已爭心糅君子

故有惡乃窮抑尙口何許並老師高密尙發覆陳思僅華
士定文虎稱繡注禮依三家箋詩推毛右過此或未知得
毋悔舍舊愛至望苦深敢循標榜陋羞澀看囊中一錢笑
無有

己丑六月十三日泊舟分水龍王廟謁宋尙書白老人祠

作五言二首

宋諱禮字大本河南永寧人白諱英史失其字山東東平人

尙書無人說瓊山有微詞

瓊山去宋尙書不過三數十年而刻祠壁詩云更無人說宋

尙書得毋不與立謂同柳下知責賢固貴備苛求或未宜老

人信先覺覺民事有涯所恐不逮事豈在誇梁肥尙書積
媚嫉聽斷復兼茲過汶貫河衛公私起瘡痍不然秉麾節

踞牀驕如癡以位色拒人攘功巧構箕國是未遑惜清議
安足維不涉世途險詎知今則微斯人不可聞牛渚發哀
詩閉戶憂鄉鄰媿乏筆瓢姿

汶水改南流用良非禹績遏其北凍性豈伊龍王力廟正祀分

水龍王附祀神禹老人洞水學三七分南北裕源則導泉就下爰

滙澤湖空納汶漲汶弱挹湖洑齊魯間謂水人復出者爲洑下遊復引

泗擊汶使不激懸流載高地正供輪上國於今五百年遠

矣食明德禍福登愚蒙棖棟走玉帛開河有村落可泊舟處皆祀金簡四大王

如何祠白公側屋僅容席神不歆虛賽民宜道其直典祀

誰同符南有平江伯成祖八年白老人築戴村壩開會通河十三年陳平江築高家堰開清江

浦而後南漕得
以一水直達

十五日宿南陽再作五言一章寄題白老人祠

三日渡河湖偉矣老人續予村憂憫懷豈僅轉漕急嘉祥
濟寧間隄外平如織百里土塗泥利可興溝洫膏腴不自
愛頗足當漕白惜哉宋與金

金純字德修泗州人官侍郎
佐宋尚書治水者今配食祠

中未有明農力或謂轉重空珍水至涓滴安能問疾苦更

事距川役不思水利興水害乃能革十年五被潦兼耒民
持戩相時謹宣蓄導脈疏湮塞灌漑與浮送並行斯兩益
誰爲後來者聽此言無惑

行嶧山下喜望大雲

雨遍不崇朝雲唯泰山有岌岌既相屬鬱蒸氣遂厚隴如一
突炊菽若萬馬走此出果不歸殷望成川藪老農憫失
時朝牧間萬耦惻愴行人欲去重回首

題焚虛禪師自寫南屏放參圖照

卻從身外現由句認取如如不壞身更仗畫禪生烝筆雲
煙遮斷散花人

題魏修鬻負米圖

負米雖云勞所喜近百里良辰慶洗腆長歌闕陟岵倚閭
垂白親相思或噬指追從繞膝歡朝發夕則至繫予苦飄
蓬奉母僑邠水坎坎伐檀心皎皎白華志必求仁者粟分

為世所棄守身幸不失戒養亮非計以此念所歡顛若車
求已努力永終譽無慚君子子

題陳玉生承宣三世傳硯圖

自有文字來人誰不用硯而硯流傳者屈指數何徧得毋

物依人人重物乃豔義門徙江夏潼川

承宣之祖

初豹變宣城

承宜之父

又長者奚為困薄宦日積忠厚基以引承宣蔓載覽

傳硯圖三世鬚眉現言釋維則心用知貽謀遠式穀信善
承聚久無不散所期德日崇無負位彌顯利澤被果深譽
聞垂自緬始作家之琛終為世所羨真硯故不壞坡老語
非誕後有弄吾物道同即屬眷疊山寄橋亭石齋銘碑斷

先宣題籌筆百世珍瑚璉人壽能做石出處同斯願
題湯雨竹先生遺照雨生協鎮之尊甫也

父爲忠臣子孝子豔說卞家石頭死死已百世氣猶生繼
聲毗陵有湯氏湯氏薄宦非卞比死制同守無逃義子無
官守似可生見危豈有棄父理父旣死忠子死孝孝子有
子式穀似孤兒生苦不識父精通歛來得古紙丹青草創
款識無節母一見哭不起只今展卷拜光儀依依弱柳垂
煙裏始知千古爭一息斯乃孫卿非相旨二十二相見如
來轉輪聖王何曾是

朱嶽雲鍊師麥浪舫圖

卅年前謁姚惜翁白門英俊盡評隲有造讀本雅意
老黃冠尤秀出心儀苦無識面緣忽有巨卷來江邊展卷
乃圖麥浪舫惜翁詩字妙如仙惜翁當日此遊賞江靜無
波麥生浪惜翁化去陽侯驕麥浪不見見江漲漲退沙留
白接天麥田蕪處舫隨煙唯留珍重道人卷博得山陽感
舊篇

書鄧青雲家訓百條後

經典有明文蒙亨以養正日用作止閭厥功迺墜聖自從
料日興利祿途爭競詩書俱神取廉恥恣蹂躪處爲妻妾
羞出播生民病何幸見鄧君百則著家訓易知復易從切

賈九淺近提撕孩童時少成則若性人禽信在擇富貴故
由命嘗謂宋儒書小學推最勝君書庶其續三復義未竟
壬寅六月甫返白門城中紛紛逃竄予獨埽除庭宇課諸
孫誦毛詩作五言十韻

有轍行周道幽草玄且黃云何望重喬不聞歌繡裳陵若
葉青青悠遠信不皇涉波白躋豕離畢知月行雪消因見
靦傳天鳥高翔薪柞析其葉誰與陟高岡新田可采芑美
地況中鄉右有後左宜漢監豈無光冽泉浸穫蔬詎見境
自牂伊誰樂吾心睠焉顧陽紫

次塔陽湖楊汀蘆傳第八舍八崗月偕女神儀

淑嫵歸觀

作五言廿四韻以侑其行汀蘆好學博覽予新授以毛
鄭氏詩尙未卒業仲儀白少受詩故與言詩使汀蘆必
卒其業而勛仲儀婦道焉

至道察天地造端夫婦是其義備於詩伊誰明詩義六義
始曰風關眦爲風始榮辱有樞機居室應千里一國繫一
人鄭斥作詩子毋乃尊文甚或匪採風旨不知能文章卽
可名曰史以彼善性情自然通事理抑惟達與恕是真作
詩髓達則知體要恕則不求備擇言發爲聲旨遠旨仍邇
擴之以正人卷之以管己不爲猶面牆孔庭訓壘壘楊生
向學誠推測契微怕卒業豈旦夕有成已可擬不教復不

出充實斯爲美光輝見日新必由健鷲系吾女以晚生嬌
小閨闈裏敬戒雖夙聞非儀宜謹辟婦固學於姑賢姑况
習禮每事請而行父母無詒羅吾宗世詩望遠紹有吾季
謂亡弟季懷子女育蒙泉三百俱昔肄包女與包壻家法期不
墜。

桂丹盟同年

超萬

之蘇州調任過訪白門臨行以養浩堂

詩集見示愛其樸實得詩致題詞卻寄

言志復永言豈以充筐篚授政使四方得失迹明備詠史
喻詠懷感事籌任事今古有作者立言道由此賤子幼受
詩頗解風興義舊俗伊可懷管情期自媚所惜早輟業權

載廢無次何幸飾巾時回聲得桂子心生本和平章成遠
蕪靡能使眊焉眸豁若洗雲水勉哉方面重况移標準地
惠綏卽康勞盤錯期別利入山手戒空伐柯覩爲覩食黜
靖毀室注水正欵器二復養浩編庶幾舉此理二國繫一
人珍重鄭君意

男

誠

孫希

龐

希
校字

1

2

3

4

5

安吳四種卷第二十三

管情三義卷第七

涇縣包世臣慎伯著

詞

譜東坡水調歌頭

墨卿守惠州時補書朝雲墓志立石於六如亭移守揚州以拓本徵題咏

誰與繼坡老把酒問青天一時操翰哀逝塵覆幾經年此日荒山礪石只怕瓊樓月到依舊是清寒鵬翼任橫遂休更向人間知好義忠所事總長眠可能悟入如幻明性認何圓奚事偷書春夢做到春歸司馬此夢又難全漠漠

榕陰下空自痛嬋娟

譜白石揚州慢慰陳郎桂衾

芳事嬌嬈車塵振觸等閒都作愁程記闌干十二有弱柳
初青乍偷眼捎簾一轉五中先醉無藉猶兵認仙魂銷處
紅香真箇傾城漫搔綠鬢只羅襟痕在猶驚更月暈珠
還眉猜鈿合重與傷情爲問玉鈎何在楓江愴絕葉聲聲
算紅綃將淚春來空望潮生

譜清真六醜

楊郎紫炘與所眷合寫茶煙輕漾落花風圖乞題卽留
別之月浦

者飛紅一陣便斷送年華如擲倩伊有情纖纖輕似雲花
作香迹底見嫣然未綠鬢青鬢鏡中爭傾國嬌嬈漫解
芳澤錦瑟珠喉雕鞍繡陌尋春不逢誰惜但茶煙細鼻薰
透蘭榻空庭春寂恨枝頭剩碧又釀封姨妒還嘆息披
圖者遠行客正搔蓬日短爲卿愁極愁銷處慙殘高幘難
忘卻萬里狂奴故態一番顛側輕帆挂苦問歸汐縱髮成
寫出相思淚爭能寄得

箇儂賀洪通奉卽用其募雁慰姬人韻

原詞云湖銀河六

髮執鳴雁行御輪聲几几

緩一睇真黃麻積種纖腰圍

玉兩當宜孔雀氈單上青衣

休語半鳳耀鬢全金見

沈自爲叔季肅離承若去每勤居起銀尊泥甕垂淚儂

倚莫感花王艷便心醉星

情三義

記未冰人乍道渠伊意渾不呀幾許小家碧玉偷嫁無
次身材外備詢腕指要分頭各合嬌嬈度珠裙寶珥

通奉美麗自喜弱冠結褵比屋藏嬌嬈先同於小白請
期迎相稚更比於莫愁鼠姑乍開封姨驚艷禮故宜於
積薪情轉孚其好少可謂綺思橫飛風懷道上者也卽
事催妝以助歡愛

者高堂卻扇現十二螺鬟無鬢可知鳳雛深凭香鈿几眇
眇愁睇欲省春風面影搖華燭照眼眯金翠移前鞠登通
眉語顧爛盈門奔聞有禮衾稠待承齊季任仙郎愛護分
付扶起交匏三齋礙冠珠半倚信有仙桃艷春色醉均
餘瀝徧諸姊問輕盈舞袖我心降未風懷日泥仙郎意

不料者番銀環左右怎生編次紅巾外髣髴纖指怕平視
未許西園客商評七珥

譜子瞻洞仙歌劉郎蓮似以淮平倚之

紅蓮試水似窺人顏汗小髻橫斜黛煙滿卻新紉繡褶低
掩青蒲環未索纖指拈花惱亂 武陵沿舊渚禁幾番遊
曾向迷津問銀漢莫漫賦思歸岸抱溪迴篙紋外浪痕猶
轉正屈指芳莧繞深叢只玉尺輕拋葉間魚換

瑤華次壁間韻

安東行館蘆屋幾椽枯藤一架鞦韆依然蕭瑟殊甚
間有那繹堂尙書詞云環翠瑤纒高架明霞看一處浸

碧滿身清影玲瓏甚。篩透衣香幾疊。清寒約住。解留得
而今春色。訝石家步障。凌空翻起。流雲嬌活。淒清轉憶
前遊是那曲闌干。春最奇絕。十年花夢。應不識今日等
閒蜂蝶。詩魂遙越。更何處。悠揚孤筵。怕者番吹徹。陽關
驚舞翠虬香雪。辭旨清遠。姿致不凡。樹猶如此。人何以
堪。子山所爲賦枯樹也。勞者自歌。詩人不廢。故譜此曲
以示同舍。

修鬟繞纈。宜顫春風。藏架陰厚碧。一枝枝玉釵頭上。深鎖
明金百疊。而今絡索。蟄龍偃盤雲無色。祝阿奴好護。枝柯
雷雨須看。驚活。最憐明月窺人。只濯濯張郎。能伴嬌絕。

影迷籬落應招入春來斷魂蝴蝶者般清越稱騷客中宵
橫筵更暗香沁入孤山同浸一江寒雪

譜太虛望海潮

薇垣女養內姪車服攝盛唯以本氏行名質明乃以半冠成獨拜禮

樓騫霞外簾垂香裡春風肯駐韶華旅次閑情勞人論志
姑攸偏樂顏沙請氏授同車記瓊琚珮轉九十儀加翠幃
朱幘金釵無事艷盧家雙鬟絮語城笳歛密雲湧髻奇
服羞花臂珞接巾腰犀斂衽明詩習禮堪嗟流眄指參斜
有襦珠暗解低霄栖鴉腸斷王孫祗今芳草又天涯

南浦和陳伯亨韻爲徐郎依雲題所藏進鳥圖

圖高尺許長三丈寫樓閣花石皆精細而人物尤勝屏

風前一少婦澹粧倚隱囊坐。一女翠翹青衣繡半臂跪捧其左足。地上置新舊舄各一事。左有冠帔侍坐者二。右有珠冠雲裳侍立者十。席地坐垂髻奏伎者八。艷婢環者數十。記文斷爛不可讀。約以意測。都僉夫人王氏前以名部爲富子妾。事大婦恭勤而不見容。去事市上守門卒。慙憑更業從武舉。積功至都僉。王年始廿四。侍坐者一表妹。一舊院義妹。王招之同出。侍立十姬。則貴息富雛。被賊而都僉得之。軍中者。繼有愛將獻美婦。都僉幸之。卽故大婦也。王恩遇之。因自請供進舄。役寫圖以表盛德。徐郎吳人。年十四。以歌遊襄渚。爲豪公子所

嫵而公子別妻逼辱之備創楚後歸吳娶妻齒稚而宜
郎損奩買針黹婢爲閨伴以其美麗能弦索使得通房
漸泄前夫益卽以妒辱郎者郎妻怒甚欲斥之郎爲請
曰渠居上不寬今日爲婢妾亦足矣郎妻笑諾惟撤其
坐事與圖劇相符俱奇艷也故并吟以書卷尾

奇艷夢重尋舊圖開跨鳳簫聲吹醒門左顧鴛鴦高堂上
挾瑟歌遙人近纖纖一握擊金未信紅艷冷莫惜當年雙
玉腕還掠小鬟新鬢前魚記躍蘭舟只嬋娟不照錦鱗
同暝少婦購金釵么駭雞猜絕城隅女靜歸黃似手抱衾
簾外星河定應笑秦宮花裏活輪與莫愁湖影

譜清真解連環

江夏陳玉生同年，舉於張美而好文，從孟生學詩，其
工結禱，期月以產而殞。玉生，屬友人作傳，應問字圖，攜
至都中，乞詩以寫其哀。予披其圖，其勇故爲更之，而繫
以詞。

芳魂誰託來珊珊，可近是非鄉。幾只平生靈慧，堪迫展瑤
帙。爪痕澤香塵，薄夢醒羅浮。看遺掛一齊蕭索，想潘郎搔
鬢幾屏年時。口脂面藥，林森發，黃菊若復，應龍補鏡
匳。枕角把卷還，凭秋檣，有弄璋。綠韋從頭記，卻春戀枝南。
奈笛裏，慣看冰萼，算蕉心，看帶刺，盡淚珠，迸落。

譜清真拜星月慢

玉生以中秋日悼亡復爲作秋宵怨月圖

月色如銀有情偏照池樹淺明深暗燈炮芸牕異年時亭
院更依舊在手翡床珊架對映錦衾猶爛趁我勞心只素
娥應見 步蒼苔露氣皺波面星三五自度銀河畔玉骨
濯出冰壺禁博鑪香散廣寒人不念蕭條館秋風急爲送
寒蛩歎拚只有夢訴長離奈驚魂易斷

譜碧山花犯

嘉慶壬戌曾賦杜十姨辭八十七韻曰粵杜仙乎仙福
宜腕纖如玉輔如規紺髮鬱若雨雲墜曼波流浸簾紋

低早以香名飲繡闥金釵絲履稱瑤姿乘龍自有專房
私葉當花對迎春暉新柳枝柔浪不肥高堂挾瑟相招
攜月明莫照綺羅機消受銀環五日期大姨武林鳳山
施諸昆執戟明光墀排戶心知上客飢願得巧笑同車
歸二妃珠珮艷江湄顧步探懷言不違見此粲者世所
稀吏將何德堪祁祁解語花屏十二圍妙舞翩翩誇手
垂娣袂尤良陽翟倪響遏行雲和四姨雙鳳爭啣紅綬
飛遊水嘉魚情是非有美東牆啟瓠犀賄遷將諱說躋
西五姊傍徨爲授綏而翁遠過王孫慈六鬢窈窕勝匳
貲嬌小七姨盧玉徽十三未習橫陳儀抱衾應與念柔

美八姨姊趙眷朱扉翟茀來招心不移自挽烏號策馱
騏裙釵雙跗一握齊豐柔能使君忘疲尤姨工畫小姨
詩細背牙籤手所治因母相攸攸在茲骨像應圖年及
笄孿生同出城南韋以君母服登綵輿襦褶珠結翔錦
雞孔嘉六舉於爛其不煩左辟驚提提親卿畏我兩何
居禮無當夕恩畫眉服緇序御進蘭闈繡帳中懸幃側
搯寶圈壓領脣塗脂攜手宵征敬不遲盛飾晨朝侍盥
區春秋佳日惜芳菲舞扇歌衫細步追咄嗟各以嘉穀
隨並堪中饋無貽羅入門左顧樂無涯鏘鏘扱地同敬
辭薄醞難酬惠綠絲依依造膝更導卮妾卮不盡妾容

姪合歡促坐弛文鞋薌澤微聞表褻衣祕戲未嫌精婢
窺華年珍重永娛台卷衣賜浴集瑤池扶起嬌羞不自
支侍兒環雪雪環誰鴛鴦被底何如斯薔薇釀露漬香
肌綵褶剛宜裁縐綺有情安能遣此時北枝蓓綻須折
之摩挲玉樹怨葳蕤遽進瓊簫取次次櫻桃紅蹙暈渦
微其嗟儀態轉多奇我師不必素女爲三年猶憶好腰
版妖嬈更許狂奴持狂奴故態苦栖栖江陽獵席未應
譏爲報簾前姊妹知莫擾蘇州刺史思詞出好事者爭
傳粵仙以甲子盡室上舩返廣州過洋被掠甲戌在都
市見顧爛圖長卷圖中人尙可別識感時傷往聊復儔

聲

過雲煙追尋往事流年去如水只今粟里可綰住花魂留
伴相思故人日暮心長寄蒹葭憐昔倚更記說石鯨波壯
帆開天鏡裏枝枝藥藥任芬芳江陵只舊侶風流雲委
君信否鸞牋未盡蕉心悴春陽曲詎應忘卻迴舞袖金屏
人不起待夢得鄂君同去寒香侵繡被

譜白石琵琶仙

爲徐郎清蓉咏洛神裝照卽留別還揚州

羅襪凌波渾不是用檝渡江桃葉離合誰感神光明瑤坐
愁絕脩眉蹙含情欲寄怕惱起山中鸚鵡三尺新綃千年

舊憾心事難說。屈指計仙侶靈儔。速攜手清流怨芳節。
一拆取。一生惆悵。付漫天飛英。疑望裏珊珊細步。肯爲君更
舞流雪。只奈駢轡盤桓。一時輕別。

譜曰石長亭怨慢

清蓉別寫落花人獨立微雨燕雙飛圖照詞以繫之

剩一片漫空飛絮繞遍臺城畫梁朱戶燕語留人向風前
訴恨如許雨絲剪斷休睇入深深樹只碧草萋迷幾惱亂
王孫遊此薄暮任蘭皋極目是處墮紅難數東君管領
可還記往時分付只一例冷落天涯算煙月湖山誰主怎
盼到春光依舊遲遲如縷

譜清真瑣窓寒

長新店卻寄翰風蘭風曾容蕉雲缺香都市並示徐郎
謝其菊屏之餞

八月隨塵騎驢早出富兒何戶家山入夢強半對床風雨
整歸鞭今宵甫能徹宵苦憶罪罪語又感靈光合縛屏香
亂也應傷旅乍暮經行處任適渙旗亭社韋尺五傳觴
刻燭舊曲停雲思侶問天壤同病幾人際蒼激起無悔否
算歸來蒯鈇飄零只爲嘗聞俎

譜稼軒賀新涼

南阜店聞琵琶

候館鳴檀撥急商歌長空洗碧一輪寒月百尺飛泉傾秋
憫過盡西風不發只一夜雙蓬如雪楚客離憂三十載問
行藏心共孤雲沒偏付與四弦說霓裳舊譜真傳絕肯
更弦徐張緩上暫調眉睫誰試寶常身手好寺磬時時驚
徹憑一抹雲凝塵滅鈿笛李郎風流息任邇年高唱同衰
歇能否寫此悲咽

譜介甫桂枝香

將之濟寧訪晉卿雄縣先寄

江山滿目正易水送寒風力蕭蕭捲地黃雲起處老林低
簇斜陽慘淡車塵外凝秋空雄關前蘆渡河三呼凌州一

騁千古同足。嘆逝者年華競逐。只西笑東迷。殘夢如續。
書劍飄零到此。執鞭非辱。董生早就名山業。怕霜華侵鬢。
荆綠狗屠猶舊。還知能和。漸離哀曲。

譜稼軒摸魚兒

河間題壁其守令皆知名進士詞以誘之

問誰禁者般。淩雨瞻烏棲。又飛去烏飛。休啄饑民屋。仰屋
乳黃無數。留客住。賸躡屣挑招。依約春前路。呼春與語。怎
斷送年華。津梁點沈。未并沒。颺風絮。賢王業。大雅流傳。从
誤縹緲空。惹蟬姬。讀書詎必能治賦。疾苦務通。民訴文易
舞。看十萬瑤籤。化盡江陵土。取盈未苦。更縱騎宵來。鄉舊

繞索三日斷炊處

譜稼軒永遇樂

聞吳曹州次升八都計途中可相見過劉智廟不值此
去取道各殊自次升以試令攝金鄉首發大難而能收
之擢守曹州當二年報政之期急欲面詢治要良覲既
阻帆寄此章

當代書生伊誰無憾爲得爲虎甞載間情拚將硯礪付與
檀槽去澆愁不盡囊錐欲脫叉手領符權佳使驚傳魏城
拒賊賊心悸踞城虎 經秋葉落分平頭勤掃飄葉紛紛
詎願耐有吟猿尙堪留此驢背尋梅路只今須記涇泥數

斗贏得村農寒鼓還須問鳴鳩拂羽鷺鷹化否

前韻

舊縣道中望黃石公祠祠在縣東黃山坐祠內閉目輒
有狂風雨之聲開視仍晴朗曾驗之甚信

瞻穀城山蕉萑能記黃石祠處夢雨靈風千年見說不共
炎劉去神師天遣神解天授諸將怎留人住棄重關纔消
賈豎况驚氣結龍虎 猴冠勿勿分鴻溝西壤衣繡仍前
東顧胯下圯邊一般堅忍除就陰陵路紫芝歌寂赤松遊
遠剩有椒旂桂鼓休重問居鄴已老好奇果否

長亭怨慢和王西御茂才韻

西御見虹橋外柳株被伐而弔之予適反自都中感而

屬和

記風外月明煙渚綠縵絲垂依依如許桂棹縈迴多情點
點繞輕絮惜春情重拚付與新紅雨怎會得青青便怨絕
長亭吟苦 延佇盼東君不見况說危欄無主湖山猶是
忍重問當年張緒縱杜宇喚得春歸只橫笛傷春何處賸
賦就蘭成悽愴江潭前度

譜清真單衣試酒

過富莊驛訪謳者月梧不見士人述其所遭已遞還高
陽晉籍也

乍閒情賦就只幾度新愁拋擲欲尋斷魂揚州頻過翼夢
境難迹卻指紅樓外荻簾低押雪影畱香國羅巾未減啼
痕澤拾翠清流條桑繡陌年華可堪追惜竟雲封院落蛛
網糯米 王孫路寂任萋萋草碧欲訴天涯事無消息楊
枝不解愁客故長條踈地嫋娜何極章臺上漸青如幘怎
忘得此日橫波月小斂煙山側殘紅墜祝與春汐只舊池
好認高陽路孤根寄得

譜清真拜星月慢

七夕攜玉卿遊目天孫祠玉卿卽見作池上午粧圖予
繫以詞

有汜無聲善懷多怨禁慣淚明珠暗拚隔韶華怪春生新
院更看徧十二雀釵絲履消受抱衾星爛念我勞人只舊
愁誰見影翩翹恰稱凌波面深深拜祝與雲河畔共結
五字心香香肯隨烟散退銀環別築蛸蛸館調水柱永闕
姬人嘆憑書出卅六鴛鴦願成行不斷

譜玉田長亭怨

壬午冬初富莊驛雨夜

經幾番敲篷秋雨望入交河聲聲淒絕落盡霜梧并教遮
盡照霜月重簾濺透憶青女容光全別碧玉隨風休再問
鳳簫衰歇嗚咽只尋春去暮便惹杜郎愁結酒狂猶是

忍重把高陽池說。憑翠鳥傳語層城。恐驚墮寒香仙葉。檐溜無情。零到天明時節。

譜玉田湘春夜月

徐郎赴隴右三載矣。癸未都下見佩秋演絮閣一齣。雖肌理微燥。頷頰微削。然仿佛徐郎在。丁丑夏秋時十八九也。玉卿爲澤其膚。豐其頰。遂爾逼真。

望長安。衆芳爭繞吟魂。一樣看徧春光。偏我醉眸昏。蔽日柳棉如雪。只小枝斜倚。着意傷春。問有情解否。無眠一曲。纖步溫存。瑤臺月下。龍泉雨後。翠幃經門。玉腕招攜。何處是。一雙蘭櫂。回夢巫雲。甘州八破。怕轉蓬。悽斷離根。重

曲首玉簫依約在。冰綃半幅。留住香痕。

譜醉江月平仄二調

壬辰武林中秋南屏書記謙谷招遊湖上。容與竟夕。乍
雲乍雨。濤聲遠震。月色驟明。謙谷朗吟。葉少蘊蘇子瞻
醉江月。泥請續譜。子亦咏子。瞻水調歌頭。以屬謙谷。

客中佳節。有蜀僧文老。憑問升沈。不道西施。還未嫁。難忘
柔綠成陰。魚鳥當年。風流依約。來共酒杯深。澀灘飛。擢莫
驚起。渴龍吟。猶記神澗微波。要靈儔解珮。徙倚追尋。誰

遣湖山凋傲也。不許明鏡重臨。鼉怒瀟陽。鼉翻洛浦。應悴

廣寒。心天香飄石。雲外遙認雲林。右平調
依葉。問濤何氣。乍驚

心匹練轉雷無迹。碾出冰輪。搖縐浪。霜意浸人同碧。一醉
鈞天。誰磨玉斧。知素娥傾國。清光如許。照孤鴻影。凌厯

放詞與寄山阿女。蘿飛翠。招出騎鯨客。料得清虛高處也。
寒氣不殊。今夕。澹灩橫斜。湖邊嶺外。冷漾垂天翼。一聲何

處裂穿雲老蠟笛。

右仄調
依蘇

譜大江東去

廿五日謙谷導游理安憩松顛閣分賦

髯翁跡去參寥化。閒煞西湖風物。桂權滌洄。西向笑遙認
螺峯一壁。樹古篔簹。瘦藤扶上。心地涼於雪。煙霞深鎖。望
中虛閣稱傑。誰信攜手松顛下。窺飛鳥與孤雲同發。極

目蔚藍天一色暖暖空中如滅法雨清冷可能容我濯此
蕭蕭髮後期憑訂。榻來還踏新月。

前韻

范吾山觀察招同姚伯山明府謙谷書記泛西子湖謙
公卽席譜此闕予倚其聲卽送伯山之官粵東。

乍開天鏡照澄澈剛稱中空無物解事蘭橈招倦客深坐
青螺四壁泥潑新醅沈澆舊憾散我襟如雪湖山堪戀俛
仰嬌嬈英傑。休道多寶羊城酌泉吳隱憤悲笳清發閱
盡閭浮彈指間湧現無生無滅烽火驚心江湖滿地種種
盧蒲髮輪君驢背賦孤山問秋月。

前韻

熙載以觀海者難爲水六字刻印余爲譜大江東去以寫其意

谷王西受百川灌驕爾天吳何物水立漫空凝望處遮斷蓬萊絕壁似此奇觀終踈想像古憾焉能雪回頭貽愕悔年來自稱傑休問溝澮皆盈咄嗟時雨集縱橫雄發立涸貽羞無本者都付浮漚興滅出派源泉一齊東注齒齒真梳髮煙雲光裏洗來雙眼如月

男

誠

孫希

麗

希

藺校字

21

安吳四種卷第二十四

管情三義卷第八

涇縣包世臣慎伯著

濁泉編一

余幼嗜爲詩至嘉慶庚申而輟業以所欲言所當言者皆已有言故也三十年來有詘酢被迫率倩人爲之人亦諒其才盡性疎不苛責以讐報茲當出山心與境有所觸或不能無言詘酢尤人事所重不能似山中人可以任性所安且初涉其地無可倩人是以勉理舊業越石云不復屬意二十餘年久廢則無次矧余廢此爲年更久耶旣錄存之而題爲濁泉編者明非水之本質矣

白門倦遊閣外史記

道光乙未閏月二日左墅謁先子墓田告之官江西

小子初四齡蒙養承嚴訓辟呬詔數方卽述孝肅令哀哉
學未成弱樹當風勁負米走四方潛究生民病亦有借箸

人疾苦誰深省鑿枘竟蹉跎奉母惟歸隱不意河南公

部右侍郎說士甘揚庭遂以指使年試從西江政貧仕不

擇祿况寄百里命慮在血氣衰計或子孫盛重貽遺安羞

輕來畫餅評再拜祝松楸神啟佑咸正庶敦莊敬強得遠

折覆隕仁者粟自求歲時几筵淨令名思必果遺體矢不

磷使信趨庭聞實導漑釜徑治任檢做麓南山有舊印

草屋之印嘉慶丙寅所刻載諷誠誓文邱壑負何竟

五日玉屏山謁三伯父墓十九弟季懷夫婦耐葬

先子五昆弟友于無怫忤以同客白門尤厚三伯父季懷伯幼子至愛鍾吾祖先子承祖意欲親授章句囊貧幸未遂憾遺易筮語小子續攜遊卅載江淮蒞質魯學則勤頗能窮今古著述驚宿儒年矢促矩步伯父精地學自卜玉屏土豈意百世謀季懷顧前耐伯父繼厭世塗啟未獲赴茲當遠從官敬瞻松楸路季懷嬾並逝子羽伯父仲子復晞露孤寡奚自存扶服招同住伯父叔子有子三長者漸知務命爲家督後悞癩忽發癩小子老始仕羣從望難副與爾

雖夙承在桑貴均哺所願牖諸孫克守青氈故惡疾速痊
除手口得相助情深語逾質庶免神期怒

過龍山張館陶

琦

墓奠輟有作

憶余初識君卽有結鄰約陶谷謝墩間未肯負邱壑時事
驟難并此志終不鑠無何君宦游遂致虛前諾一官閱十
年龍山竟歸魄維君與賤子夙究治人畧當君莅山左觀
政三解屨彌縫良已勤與除斯未博善建與善抱量必十
百度區區事補苴所學疑維孳君言垂白翁精力難自作
粵稽君治效健猶化涓恪所至本瘡痍所止遂豐樂新店
設城市新屋環村落飛蝗避境土巖電聚水泊穀歧五穗

垂龍見千鱗爍

皆君仁亭印館臨事實詳余所爲龍山藁表

豈伊天責吏視聽

日民薄始知清淨功不試无妄藥繫余衰羸餘續作出山

濁烹鮮有前修酌酒告無怍

六月十三日余自都赴江西取道揚州同年李蘭卿彥章

兵備招儀徵劉孟瞻

文洪

吳熙載

延颺

王西御

僧保

勾

生翼鳳

江都梅蘊生

植之

集鈔關署爲餞以淮南二十

四橋月七字拈韻分賦題葺城女士許定生

淑慧

爲余

所作捧檄圖團扇以寵行者余得月字席闌卽發樵赴
白門長行有日補作此詩寄謝兵備並示諸君子

新居卜籌市謂得奉黃髮焉知柯亭賞乃及涓人骨征輪

壅維塵不寐速明發觸熱心未勞戀闕頭每捩舍車就演

漾借廡指隍隍

余揚州舊居西門城壕傍

攝衣踐華茵入宴赴倉卒此

邦衝要地來往萃簪笏舊賞惟煙花多君採薇蕨舉知盡

賢才

諸君子皆余所薦於兵備者

維旅肆殺核主賓多臆言紳佩焉敢

忽揚風託團扇去酷當炎暘澄清初志媿壯盛年矢猺幸

非展足驥况羨摩霄鶴扁舟溯西江可掇明如月

九日啟程畱別荆溪周二保緒

濟

桐城汪四均之

五均儀

徵張大司衡

銓

保緒十日後亦之官淮陰矣

周汪皆人傑識面始甲子並以從秋賦邂逅白門市周在
最桀黠為虛受求勝已汪生盛貴遊折節下奇士咸謂一日

長相與嚴兄事。緬懷東土山。異日借隱此。射策行當軸。周

生懷穀恥。投劾早歸來。潤迹終不滓。汪生侍移節。相距累

千里。旬月必疏達。懇懇析疑義。尙書厭世後。踐諾伊人始。

繼之者周生。惟余迹苦滯。不忘接浙心。抑迫需泥累。并力

拔余足。下宅如鼎峙。回憶邗上游。吾黨學寢熾。於中迹尤

親。張生稱腹笥。以是驟言別。實亦難爲意。汪生擇子師。招

來重聯襪。方幸卅載約。自今其永遂。不謂捉將急。三人乃

及二。山泉豈甘濁。白髮况垂耳。移文續北山。知爲饑豹啣。

聚散信不常。染絲悲何已。揮涕謝畱者。無使青溪媿。

十日味爽燕子磯。出江薄暮宿京口驛。

還家當小暑候氣入第二秧畝已半坵山壟未全蒔圩田
專候潮斗門出水際兩旬三小雨蝻子翻長翅糧價市漸
昂似見歉收勢絕江漲色黃與前殊紅臧紅蜀黃來楚青
乃豫章水舟子估客之古如是甚信紅黃先後見獨無青漲至得毋彼
地旱不與白門異薄暮抵京口艤舟爭楫繫怪此夜行川
何爲日畱滯荅云河近荒夜行常失事航遲不航錯非敢
憚勞勤又說毘陵城西郊河十里裹餅船擠攔兩月不通
利嗟此係水驛宜定撥重誌若聽船自積加以水日墮坐
使成梗塞官民知同累抑聞止盜方不欲爲神劑上襄難
驟致勤捕亦其次夜劫無如何馴致晝不避猥余粥飯僧

竟涉風塵更三行必有師見事唯勤記。

十一日早發登艫北望懷儀徵劉孟瞻高涼黃修存

洵江

都梅蘊生朱震伯

鉞

儀徵王西御勾生吳熙載占此卻

寄計諸君相送邗濱勿勿已廿七日矣

憶余初遊邗諸君童或壯及今當遠別偉矣皆英彥劉生
備三德手胝破萬卷黃生工五言建安風不遠艾藻盛梅
生揮送追中散超妙能入神吳朱書同擅王生嗜倚聲白
石欲焚硯哲弟體稍弱屬辭亦黃絹斯並天下士豈况淮
東選羈客常恃此終老忘貧賤詎謂捧毛檄相將試陶縣
不怨別路長所嗟素絲染遂令鄙吝深轉覺觀摩淺有善

誰與證有惡誰與諫繫余藿食姿所志非芻豢平居講貫

者諸君實共鑒出任萬人憂居戒一身媠西江邗屬岸

揚人

謂湖北爲楚岸
江西爲西岸

估舶多聞見人患不自知相告毋相謾古

誼庶復敦流言聞不聞

十二日抵毘陵示張氏女孟儀

惟余與若翁道義爲昆季踰躓事畧同出山年不異若翁
宦十載內顧仍如洗賢者必有後清白聲不墜唯若能持
家貧不廢交際事事師先姑胼胝相夫子余老事宦遊此
情非得已祖母况臥疴展側須偵何若母與姑母不解帶
經歲祖母時念若攜孫來省視賢甥毛羽豐卽日赴秋試

若挈諸孫隨以博祖母憇余在千里外心爲稍安止逮余
舍館定迎取若偕至庶以團團歡仰娛老人意作家以累
官此情知免矣舉室食於人若翁是前事

保緒以詩贈行弄之木笥未審也十八日抵吳門啟笥見
詩感其訓詞深厚依韻寄答

官民日交爭時論喻卵石從知釀不陽長吏難辭責撫我
與虐我讐后在自擇官本來自民何爲互相迫終歲使暗
晴相望苦脈脈以居親民位實敗親民績原其鬱民氣殆
爲竭民力古稱予不戢非疑民未急伐柯則猶遠取譬已
欲立不闡在桑鳩宜奪七子食爲師與爲長學者固所職

自非信而勞焉見生也直書程念清訟夜禁靖意室瀆良
氣漸伸健猶計日緇迺導利源開尙慮民聽惑養民事至
纖防民理孔密勤求疾苦始聰聽父老述官民久相猜欲
速安可得積久民我歸庶幾執左契斯爲拙者效或冀勞
止息多君仁者贈雅言如經翼堅我守初心矢不與民敵
待賦歸去來一一與君質

蘭卿寄橋字韻題捧檄圖餞別詩附書責和依韻寄酬

頻年蹤迹苦憊憊昨得山居傍石橋白髮已驚催孟浩讀
書未許懶邊韶敢因將母封陶鮒轉怕諧聲瘦沈腰

余三
十六

年不作詩日
時始復爲之差幸故人搏節近問途迂直最昭昭

爲朱玉存宮詹

琦

題霜帷課讀圖

近世儒者宗共推。昆山顧溯其學所由。母氏教有素。阿母亦何如。有生未識父。行其心所安。不避嫁殤苦。來嬪撫猶子。提抱授章句。非見莫與友。經訓良可怖。孤兒實聰聽。弗能學弗措。遂挾羣籍心。後來祛迷誤。兒名久益昌。母教與俱著。熒熒二百年。吾鄉有朱姬。一切繼顧母。所異孤兒遇生際。

聖相承早涉。承明路祿養二十年。文行粵可慕。論學朱稍緇。較遇顧則輸。所願勵前修。益廣慈母蔭。百里半九十。稱道息無處。庶幾齊昆山。夙夜永終譽。

七月朔後大雨連日農田深透河道泛漲桔槔既停舟楫
遂通喜極作詩次鮑明遠韻

千里庠火稊三月困驕陽矯首望雲氣蹙頰怵曦光熾苗
罷龜坼蟬螭起澤鄉腹伏遺泉一墳壤變汗潢蘊隆真積
力雲雷忽相聳驟雨挾迅風奔檐遂溢堂槁苗頓懷新含
苞競吐芳米舫連檣楫民情慶倉箱始知乘時化俄頃定
皇皇

吳門七夕施姬已卿不供針水詩以訊之次謝惠連韻

窈窕藏麗娃招攜出珠櫳丁丁腕闌韻裔裔帟拖風蓮步
移修唐彩雲眄蒼穹瓜果玉盤薦蟾蛛金盒從祝請聞細

語啟處見雍容。淑心懷錦軸。天路降雲蹤。卅載卿入侍。七
夕遇始雙。反歸袂仍苦。泛舟慚亦悰。常自薄纖巧。豈况乞
虛空。嗟余故曳尾。詎羨厠爲龍。安拙卿能守。戀故余彌重。
七月九日。元和黃南坡明府冕約震澤周祝君明府恭壽

聯權送至寶帶橋爲祖道於橋右新建之乙未亭卽席

賦贈

昔賢留寶帶。壘石遂成橋。呼吸三江接。歸墟百瀆遙。勢爭
宣節要。利繫輓輸饒。於道謀修復。伊誰任鉅徭。

治吳專治水。終事有黃侯。

吳中當事十年來加意水利屢
興大役以修寶帶橋爲告城

舉遲疑數載至南坡
爲首邑始力任之

旣得窮檐信。宜分大府憂。德從民質

徧成以子來收七百年來事重逢乙未秋至和塘告成于乙未故名塘上

之亭曰乙未今已久湮此工適值同物是有數存故南坡修橋就初此亭以復舊名焉

建亭延勝蹟蠲潔禮前修傷亭築室祀吳中前此有功水利者有客初于役

觀成爲艤舟邦君盛郊餞鄰域借賢侯治譜同傳我翻疑

載酒遊

大潦籌疏瀆龐山震澤別名實始謀道光癸未吳越大水甲申兩省會籌水利祝君時

需次未吏佐方伯外任勘估內決機宜遂以知名專城頻馮足燒尾幾乘流祝君擢大

居八年不調而瀕危者再絲繭知時亟柙梗驗楚尤南坡產楚南祝君產楚北更當

稽底定爲作一程畱祝君訂今晚宿其官署

十五日早抵武林攜已卿謁上天竺翻碁盤嶺憩龍井順

至理安訪謙谷遂宿牖口

救苦必尋聲，非謂禮天竺。生辰適至止，膜拜資母福。大慈
錫母壽，籤示吉我告。已卿斂衽前，引爲主翁祝。藍輿穿青
雲，梯磴萬盤復。俯視西子湖，一勺近可掬。襟帶南北峯，將
迎赭龕瀑。陟降恣瞻眺，追奔勞媪僕。遂得憩龍井，井泉澄
鳴玉。汲泉煮野薺，香甘無爲目。行行望理安，螺髻峯淨如
沐。飛翠浸松顛，閣名坐令萬慮豁。主者辨才流，媿我非坡谷。
出示新詩詞，清脆賴人讀。所憾日高春，牖口問征舳。

七里灘釣臺下作

論世際漢新，人才蕩無恥。緣飾經讖文，以巧求祿利。實由

開基初悉用頑鈍類不以禮爲國終貽子孫累項田竝武
人旣亡有爲死劉氏龜鼎遷稗販顧至此敝俗成若性撥
反惟天吏矯枉必過正先務作士氣狂奴態自昔非可馭
以貴物色得故人樂善備恩義陽格不旋日星文一足異
遂令天下士聞風乃興起凌夷及桓靈維持賴清議救時
誠有要得要萬事理四維果稍張損益皆餘事韓侯一投
竿貪餌卒自斃致用在當無遺矣披裘子

十九日乘丑潮發牯口風利日和繼以皓月遂抵烏后卽
事寄謙谷

霆轉知潮上窗明容月照浪湧一帆飛山迎兩岸笑壑迤

錦翼張繸聳螺鬢峭雲染巖如黛麓環江若沼人語聞煙
中屋角見林杪遙情接披瀝遠響擬舒嘯屐齒託慧業蘿
帶宜窈窕得毋稱客星坐菴仍獨釣惟余亦澹蕩性篤山
水樂所憾有程期不得恣幽討少歷川江雄老攬之江倏
洄游雖異勢淹畱竝阻好緬想武林游南屏有同調爲語
山中人梯航毋負約余四至杭州唯王辰秋謙谷爲南屏
書記導游兼旬備尋幽勝倚聲相調

荅今主講理安恐不得復盡行腳樂也謙谷初
游浙保緒爲作梯山航海圖余書其首故及之

廿日烏石灘加緯行八日始入常山境程不及四百里擠
灘擱淺動輒經日舟子駝拉捐擻備極艱辛然勸以土
下水互讓再通力合作則可易遲爲速卒莫有肯變其

舊習者率爾成詩以訊後來

烏石抵招賢

常山八境埠名

江自蘭溪劃下流多山麓上游盡卵

石水面良亦寬漫流數百尺魚梁兼水碓截河使偏窄益
邊灘令高水石轉相激灘上通舟槽容舟纔一隻不論上

下水穴槽卽扼隘舟子各不讓坐臥滿船脊擠船爲爭途

遲滯胡不惜生涯別有在藉此好畱客及船過灘淺庑板

常磨礫不異罔水行心耳驚淅瀝我思萬民濟是惟統轄

職募人浚城下

衢州爲金嚴道駐紮所其西門外兩灘皆至淺

是否洩水亟備知

用徒數與所當給值有效乃通行分委估其實曲折順河

勢爬梳置灘側中槽寬四尺深驗重船迹撤梁改碓渠石

礪飭令直不許截河心攔水張兩翼

一路見魚梁百數梁上魚長方寸許得利

殊薄故可禁絕水碓轉輸之渠不過五尺直礪

攔至灘頭寬及二丈并四倍之水已可濟用

籌款先墊

辦勾稽各埠役通計定期歸款以集腋居民或侵損有司勿姑息必與正其罪修復仍嚴責全竹五齒爬飭各船遵式大四小備二方入攬載籍河槽寬且深上下通不積或遇大水後河道有變易各船抵灘時通力爬其塞必使復舊制有司勤考核水陡提溜艱各船復集力出灘船先行減耳使共識行道人過慮敢謂有一得聊備芻蕘詢聽者誰無惑

九姓漁船

夙聞浙河江山船有同年嫂同年妹豔麗蠱媚或云桐

嚴謂嫂妹皆僱寬桐廬嚴州人爲之余取道武林赴西

江坐陳姓菱白船乃知其船有頭亭菱白兩種船戶共

九姓漢王敗鄱陽其部曲九姓奔過山至嚴州之建德

以漁爲生改而業船不知所自始今有船千六百號名

九姓漁船建德縣收其賦其家屬隨船皆習絲弦大小

曲以侑觴薦寢而世人誤稱爲江山船云其真江山船

顧甚小無女子唯在淺灘撥貨散搭肩挑背負之客又

有船名蘆鳥形製同菱白甚寬廠唯旁無窗乃義鳥

人所業駕船之外無他事水腳之外無他費其不開

窗者殆不欲自同於九姓船也。此道號爲八省通衢。又
福建之茶果紙筭。江西之夏葛磁紙。廣東洋貨。甯波海
物來往所必由。豪宦富賈。非頭亭菱白不乘坐。沈溺傾
覆前後相望。而十日來所見。嫂妹且數百人。未嘗有珠
翠錦繡之飾。則知花粉所資。大都在衙前也。其船水
脚已較蘇松加倍。而登舟後絕不與嫂妹通一語。無可
設計交引者。襍派茶酒之費。復同正價。名曰一底一面。
擾行旅。壞風俗。無有甚於此者。貴人經過。旣耳習以爲
固然。地方官吏復自治而莫過問。余深悔問涂不審。故
疏記以詔後來。其赴閩及東郡者。可僱覓蘆烏。江西湖

南廣東諸省自有江行正路不必迂道自取遲滯多費也。

聖世勵風化天下無教坊玷箴虧行止矜細至狎倡奈何九姓衆聽作化外氓各船榜金字自署溫柔鄉經涂七百里宏開脂粉場究其纏頭貲半肥蠹役囊吁嗟爾九姓百人器最臧轉輸自食力俯仰未蒼黃移其少艾者岸居習爲良並未使失業不必慮更張嫂妹旣離船便與蘆鳥行茶酒罷襍派足爲行旅慶九姓聚建德戶籍在官藏舉此如反手永言著斯章。

常山縣與張念哉明府

祀基

論賑緩得失

歉收辨分數給賑視爲例賑口分大小大一當小二折色
銀五釐大口日給制名折米半升市價久倍貴民生豈
足民心藉維繫使頌我

聖君饑溺真由已無奈開頃畝先有買荒費邑胥搆奸民
取成在鄉地一紙初報出憲委絡繹至居止責供張訓勞
爭饋遺比及領帑時司書索無藝事後辦報銷部費較司
敘實惠及災民得半尙不啻仲秋已准災旣到仲冬旣招
攜赴賑廩道路常僵斃得之未必生爲之先死矣况將賑
比漕諺云南漕北賑非無不肖吏所以愚如余屢爲司農計罷賑
專用蠲公私並攸暨歉收及五分錢漕令半貫帑無冒賑

卷二十四
三
虧豐免倍征累中飽人實繁聞之必腐齒是惟造膝時痛
陳疾苦意恫瘝洞

聖抱

中旨破成議部胥一與手能使言者蹶斯說竟無成念茲
時惴惴從前

國用充百弊叢如此况今經費絀農部苦告匱大臣計贏
縮不敢私所莅然以懸磬室復迫迫呼厲溝壑驅盜賊父
母能無媿庶幾勦不成緩征稍寬氣乃料實戶口與其減
食餼合麥豆襍穀熟田所穫穧審察囤積數邑食缺凡幾
先勸殷實家採買自寬利次諷好義士糶煮互相濟一切

任鄉賢官人絕染指聽斷更加勤緝捕毋惜勤義分各自
安麥秋有來歲官固食於人操縱豈一致慎勿戀冬羨民
瘼視如贅一致釀事端收拾彌不易仕學君應優敬事如
承祭慮此良已熟慚賦何以畀

廿八日過山入江西境

武林至常山三百灘有名一灘高一丈人在雲中行萬山
簇插天仰望心怦怦誰知環麓轉有路如懸衡邱山爲地
險崎嶇不可攬及至託地處必歸無偏傾委曲勢可順坦
蕩衢同享豈况人心險不能得其平西郊四十里浙界盡
草坪界東棲畝禾焦卷如蓬征賢令得其要荒政早籌成

司農嗟仰屋待哺，賸編氓能操，哀多權以鼓，募義誠草坪。
更南首便入玉山，程玉山隴已刈，襍糧苦難畊，入秋已將
半，炎暘使人瞳，疑爲土性異，僉云夙未經，早穀曬欲萎，通
川舟不勝，朝歌世所哀，饑饉况相仍，休云別利器，事理殊
升卿，勉效奔走力，庶將撫字情。

仙人橋

貴溪縣東門外二里

仙人胡好事，空駕一環橋，毋乃襄陵日，懸流不可超，非然
心渡世，示象在山椒，凶歲求生路，能不自此跳。

貴溪縣懷故友陸祁孫

繼輅

卽效其體

卅年前醉秣陵秋，雲誼風懷不可侑，家學阮咸齊季父，

聞徵君

孝思周顛重南州

君爲其母林太孺人乞字內能詩文者表章闕德彙刻爲貞珉編

千篇詩與江山在兩載官應老病休
慈父嚴師遺頌牘輿人指點故賢侯

入餘干縣境懷故友暉子居

敬任浙江之江山富陽收江西之進賢星子新喻餘干瑞

金由瑞金署吳城同知而敗敗後三年卒於里門

事小民兼事上官兩傷雙美合離難
以其所獨談何易不恥見汙良可歎
治獄廿年無枉縱
罷官一日有饑寒
只應并入名山業
畱與人間作鉅觀
子居著大雲山房古文集往復健舉爲南宋以來絕業

八月初六龍墩見飛蝗

餘干鄉鎮一名龍津

夾岸高粱葉盡髡驚心真見在龍墩灑灑煽草道爲白蟄
蟄穿雲日欲昏害稼原應無罪殺界炎不覺有神尊側聞
爛翅惟霖雨牟麥油菘地待翻

瑞洪謁令公廟

廟祀唐忠臣張睢陽無碑碣詢任持謂建自明初屢著
靈異舟過者必奉牲幣其下余謂自李翰等倡蔽遮江
淮沮賊勢功在天下之說而昌黎申之江南廟祀之盛
以此然或曰東平王或曰旻天大帝皆以爲掌瘟疫神
從無令公之稱又不司水府事且皆祀張許唐時已稱
雙廟而此廟則專祀張公考漢王大帥張廷邊官中誓

令戰死於鄱陽湖之康山而漢遂亡十八伍奉其子越
歎嶺至吾涇冒翟姓以存其有恩士卒可知瑞洪去康
山十餘里爲由湖入河要道令公之祀旣始明初殆廷
邊部曲私爲之故稱爲令公而托睢陽以避禍如花藥
祀孟昶爲張仙吳人祀周王爲張王大帝者也敢以質
實事求是之君子

李說韓申曲辨冤江淮俎豆慰忠魂收瘟尙本必爲厲鎮
水何從問祀源花藥宜男愚宋掖張王托色享吳門瑞洪
湖背奔逃地舊部工訓主將恩

初八日朝子瑞洪舟中聽雨喜極有作

夢回浙瀝正三更起卷蓬牕辨雨聲檐溜緊知雲氣厚船
身輕覺水槽平暴暘晚穀興之勃被暎荒疇版可耕最喜
飛蝗應脹爛快心無寐到天明

味爽過鄱陽湖亭午雨急艤舟烏龜寨讓漲

南昌鄉鎮

侵曉渡鄱陽風帆重不張推篷三面黑擊汰一湖黃未任
溯流急偏宜命酒忙淒其趣締綌開篋檢棉裳

十日清晨抵南昌冒雨登岸謁長官至十八乃畢事

庭趨始覺身爲令隊逐方知口是戎事上敬非求獲上自
公勤卽習從公固應每事問先進敢負初心忘買功卅載
不耕宜害稼可能情竭慤生通

九月朔用天長崇琴川

桐林

陳夢雲

鳳飛

見贈出都原韻

代柬寄都門袁浦邗上白門吳門武林諸遊好

識字已自攬憂患不涉畏途豈壯夫翳余少小恥不詳卅
年任事遠偷儒時爲閭閻說疾苦有如村嫗眩璣珠居今
稽古笑狂簡曳踵矩步安迂拘食糞姿化塵容走同志望
屬蒼生蘇詎謂已齒何算列弛負卻爲胥靡徒修唐惟事
亭亭立味爽白習盈盈趨與波汜汜醕欲啜餘暉藹藹雲
猶孤流亡滿地皆菜色郡邑大半爲災區移粟不給卒歲
謀共歎抱金同守株蒿目亦知堂可處挾策空思世實難
因敗爲功默予忖用爾何以難自誣鉛刀奚能割錯節

馬幸未供載驅還欣逐隊罷亭午餘陰足與鉛槧俱不負
朝雲兼暮雨滕王高閣天下無

男

誠

孫希

龐

曾希

蘭校字